




劉禹錫別集詩目

翰林白二十二學士見寄詩一



長安劉禹錫  
振錄西  
請子本

始至雲安寄兵部韓侍郎中書白舍人二公近

曾遠守故有屬焉

白舍人自杭州寄新詩有柳色春藏蘇小家之

句因而戲酬兼寄浙東元相公

春日書懷寄東洛白二十二楊二十八庶子

白舍人見酬杜詩因以寄謝

白舍人曹長寄新詩有遊宴之盛因以戲酬

蘇州白舍人寄新詩有嘆早白無見之句因以  
贈之

和汴州令狐相公到鎮改月偶書所懷二十二  
韻  
白太守行

酬樂天揚州初逢席上見贈

罷郡歸洛途次山陽留辭郭中丞使君

楚州開元寺北院枸杞臨井繁茂可觀羣賢賦

詩因以繼和

和樂天鸚鵡

途中逢白監同話遊梁之樂因寄宣武令狐相

公

河南王少尹宅讌張常侍白舍人兼呈盧郎中

李員外二副使

鶴歎二首

和宣武令狐相公郡齋對新竹

和裴相公寄白侍郎求雙鶴

終南秋雪

闕下待傳點呈諸同舍

和樂天早寒

和樂天以鏡換酒

同樂天送河南馮尹學士

同白二十二贈王山人

題集賢閣

和令狐相公初歸京國

賦詩言懷

曲江春望

和令狐相公春日尋花有懷白侍郎閣老

和樂天南園試小樂 漢水別白二十二

答樂天戲贈

同樂天送令狐相公赴東留守

同樂天和微之深春二十首

刑部白侍郎謝病長告改賓客分司以詩贈別

遙賀白賓客分司初到洛城戲呈馮尹

和留守令狐相公答白賓客

始聞蟬有懷白賓客去歲白有聞蟬見寄詩云

祗應催我老兼遣報君知之句

樂天寄洛下新詩兼喜微之欲到因以抒懷也

月夜憶樂天兼寄微之

酬鄆州令狐相公官舍言懷見寄兼呈樂天

吟樂天哭崔兒二篇愴然寄贈

答樂天所寄詠懷且適其枯樹之歎

赴蘇州酬別樂天 贈樂天

福先寺雪中酬別樂天

和樂天耳順吟兼寄敦詩

到郡未日登西樓見樂天題詩因卽事以寄

早夏郡中書事  
憶春草

樂天寄憶舊送因作報白君以答

和白侍郎送令狐相公鎮太原

秋夕不寐寄樂天  
冬日晨興寄樂天

酬樂天見寄  
答樂天見憶

和樂天誚失婢勝者

樂天寄重和晚達冬青一篇因成再答

河南白尹有喜崔賓客歸洛兼見懷長句因而

繼和

和楊師臯給事傷小姬英英

和樂天洛下醉吟寄太原令狐相公無見長句

郡齋書懷寄江南白尹兼簡分司崔賓客

謝樂天七月一日夜卽事見寄

題于家公主舊宅

八月十五夜半雲開然後翫月因詠一時之景

寄呈樂天

秋日書懷寄白賓客景

酬樂天見貽賀金紫之什

酬樂天初冬早寒見寄

樂天見示傷微之敦詩晦叔三君子皆有深分

因成是詩以寄

春池泛舟聯句

杏園聯句

花下醉中聯句

宴興慶池亭送白二十二東歸聯句

西池送白二十二東歸兼寄令狐相公聯句

首夏猶清和聯句

薔薇花聯句

西池洛泉聯句

和樂天柘枝

和樂天題真娘墓

客有話汴州新政書事寄令狐相公

和令狐相公郡齋對紫微花

令狐相公見示河中楊少尹贈答兼命繼之

和令狐相公謝太原李侍中寄蒲桃

和令狐相公送趙常盈鍊師與中貴人同拜嶽

及天台投龍畢却赴京師

令狐相公俯賜篇章斐然仰謝

酬令狐相公贈別

酬令狐相公賀遷拜之

什

酬令狐相公早秋見寄

和令狐相公翫白菊

夏日寄宣武令狐相公

令狐相公見示贈竹二十韻仍命繼和

和令狐相公入潼關

和令狐相公尋白閣老見留小飲因贈

酬令狐相公雪中遊玄都見憶

和令狐相公以司空裴相見招南亭看雪四韻

酬令狐相公留守巡內至集賢院見寄

酬令狐相公春日言懷見寄

和令狐相公言懷寄河中楊少尹

途次大梁雪中奉天平令狐相公書問兼示新

什因思曩歲從此拜辭形於短篇以申仰謝

令狐相公自天平移鎮太原以詩申賀

重酬前寄 酬令狐相公秋懷見寄

令狐相公自太原累示新詩因以酬寄

酬令狐相公六言見寄

酬太原令狐相公見寄

酬令狐相公歲暮遠懷見寄

酬令狐相公親仁郭家花下卽事見寄

酬令狐相公首夏閒居書懷見寄

酬令狐相公庭前白菊花謝偶書所懷見寄

酬令狐相公季冬南郊宿齋見寄

貞元中侍郎舅氏牧華州時余再忝科第前復

由華觀謁陪登伏毒寺屢焉亦曾賦詩題於

梁棟今典馮翊暇日登樓南望三峰浩然生

思追想昔年之事因成篇題舊寺

酬令狐相公杏園下飲有懷見寄

和令狐相公春早朝回鹽鐵使院中作

令狐相公見示題洋州崔侍郎宅雙木瓜花傾

接待郎同舍陪宴樹下吟翫來什輒成和章

和令狐僕射相公題龍回首

和令狐相公晚泛漢江書懷寄洋州崔侍郎闕

州高舍人二曹長

酬令狐相公使宅別齋初栽桂樹見懷之作

令狐相公頻示新什早春南望遐想漢中因抒



短章以寄情愫 訓令狐相公見寄

令狐相公見示新栽蕙蘭二草之什兼命同作

和令狐相公南齋小讌聽阮咸

和令狐相公詠梔子花

酬令狐相公新蟬見寄

和令狐相公九日對黃白二菊花見懷

令狐僕射與余投分素深縱山川阻峭然音問

相繼今年十一月僕射疾不起聞子已承訃

書寢門長慟後日有使者兩輩持書并詩訃

其日時已是以臥疾手筆盈幅翰墨尚新詞六

篇音韻彌切收淚握管以成報章雖廣陵之

弦於今絕矣而蓋泉之感猶庶聞焉焚之總

帳之前附于舊編之末

郡內書情獻裴侍中留守

訓樂天閒臥見寄 訓樂天小亭寒夜有懷

和樂天閒園獨賞八韻前以蜂鶴拙句寄呈今

辱蝸蟻妍詞見答因成小巧以取大哈

訓樂天衫酒見寄

兩如何詩謝裴令公贈別二首

將之官留辭裴令公留守

訓喜相遇同州與樂天替代

奉和裴令公新城綠野堂卽書

自左馮歸洛下訓樂天兼呈裴令公

秋齋獨坐寄樂天兼呈吳芳之大夫

和樂天齋戒月滿夜對道場偶懷詠

吳方之見示獨酌小醉首篇樂天續有訓答皆

合戲謔極至風流兩篇之中並蒙見屬輒呈

濫吹益羨來章

訓樂天齋滿日裴令公置宴席上戲贈

訓樂天偶題酒瓮見寄

訓樂天請裴令公開春加宴

樂天示過敦詩舊宅有感一篇吟之泫然追想

昔事因成繼和以寄苦懷

閒坐憶樂天以詩問酒熟未

和樂天洛城春齊梁體八韻

三月三日與樂天及河南李尹奉陪裴令公洛

襖飲各賦十二韻

寄和東川楊尚書暮巢見寄西川繼之二公近

從弟兄情分偏睦早忝遊舊因成是詩

秋中暑退贈樂天

和樂天洛中雪中宴集寄汴州李尚書

喜遇劉二十八偶書兩韻聯句

劉二十八自汝赴左馮塗經洛中相見聯句

予自到洛中與樂天為文酒之會時時構詠樂

不可支則慨然共憶夢得亦而夢得亦分到

止懽愜可知因為聯句

洛中早春贈樂天

和樂天讌李周美中丞宅池上賞櫻桃花

和牛相公遊南莊醉後寓言戲贈樂天兼見示

樂天池館夏景方妍白蓮初開綵舟空泊邀緇

侶因以戲之

訓樂天晚夏閒居欲相訪先以詩見貽

訓樂天感秋涼見寄

樂天以愚相訪沽酒致歡用七言聊以奉答

秋晚新晴夜月如練有懷樂天

和思黯南莊見示

同畱守王僕射各賦春中一物從一韻至七

和樂天春詞依憶江南曲拍為句

訓樂天小臺晚坐見憶

早秋雨後寄樂天

和樂天燒藥不成命酒獨醉

訓樂天詠老見示

歲夜詠懷

元日樂天見過因舉酒為賀

訓思黯見示小飲四韻

訓樂天醉後狂吟十韻

訓牛相公獨飲偶醉寓言見示

和僕射牛相公春日間生兒懷

牛相公見示新什謹依本韻次用以抒下情

秋霜即事聯句三十韻

喜晴聯句

會昌春連宴即事

僕射來示有三春向晚四者難并之說誠哉是

言輒引起題重為聯句疲兵再戰勅敵難降

下筆之時輒然自哂走呈僕射兼簡尚書

樂天是月長齋鄙夫此時愁臥里閭非遠雲霧

難披因以寄懷遂為聯句所期解悶焉敢驚

禪

和武中丞秋日寄懷簡諸僚故

謝元九侍御贈壁州鞭長句

和李六侍御文宣王廟釋奠作

韓十八侍御見示岳陽樓別竇司直詩因令屬

和重以自述故是成六十二韻

寄楊八拾遺

南海馬大夫見惠著述三通勒成四秩上自遂

古達于國朝采其菁華至簡如富欽受嘉貺

詩以謝之

南海馬大夫遠示著述兼訓拙詩輒著微誠再

有長句時葵戎未弭故見於末篇

和郴州楊侍郎翫郡齋紫薇花十四韻

和南海馬大夫聞楊侍郎出守郴州因有寄上

之作

奉和鄭相公以考功十弟山薑花俯賜篇詠

馬大夫見示浙西王侍御贈答詩因命同作

訓馬大夫以愚獻通菱莫酒感通拔二字因而

寄別之作  
寄唐州楊八歸厚

春日寄楊八唐州  
寄郎州溫右史曹長

和東川王相公新漲驛池八韻

訓楊司業巨源見寄

訓國子崔博士立之見寄

訓馮十七舍人宿衛贈別五韻

唐侍郎寄遊道林嶽麓二寺詩并沈中丞姚員

外所和見徵繼作

張郎中籍遠寄長句開緘之日已及新秋因舉

目前仰酬高韻  
訓湖州崔郎中見寄

訓楊八庶子喜韓吳典與余同遷見贈

秋日書懷寄江南王尹

浙東元相公書歎梅雨鬱蒸之候因寄七言

訓嚴給事賀加五品兼簡同制水部李郎中

裴相公大學士見示答張秘書謝馬詩并羣公

屬和因命追作示各  
奉和司空裴相公中書  
即事通簡舊僚之作

微之鎮武昌中路見寄  
藍橋懷舊之作悽然繼

和兼寄安平

奉和裴侍中將赴漢南  
留別座上諸公

和兵部鄭侍郎省中四  
松詩十韻

和蘇郎中尋豐安里舊  
居寄主客張郎中

將赴蘇州途出洛陽留  
守李相公累申宴餞寵

行話舊形於篇章謹抒  
下情以申仰謝

訓懷南牛相公述舊見  
貽

訓鄭州權舍人見寄十  
二韻

訓留守牛相公宮城早  
秋寓言見寄

牛相公留守見示城外  
新墅有溪竹秋月親情

多往宿遊恨不得去因  
成四韻兼簡洛中親

故之什兼命同作

和僕射牛相公追感韋裴  
六相登庸皆四十餘

未五十薨歿豈早榮早  
枯之義今年將六十

猶粗強健因親故勸酒  
率然成篇并見寄之

作

和僕射牛相公以離闕庭七年班行親故亡歿  
十無一人再覩龍顏喜慶雖極感歎風燭能  
不愴然因成四韻并示集賢中書二相公所  
和

和僕射牛相公見示長句

和牛相公雨後寓懷見寄

牛相公林亭雨後偶成

和牛相公題姑蘇所寄太湖石兼寄李蘇州

和陳許王尚書酬白少傅侍郎長句因通簡汝

洛舊遊之什

和僕射牛相公寓言二首

和牛相公南溪醉歌見寄

訓太原狄尚書見寄 訓宣州崔大夫見寄

訓皇甫十少尹暮秋久雨喜晴有懷見示

和浙西李大夫霜夜對月聽小童吹觱篥歌依

本韻

浙西李大夫述夢四十韻并浙東元相公訓和



斐然繼聲

和浙西李大夫晚下北固山喜徑松成陰悵然

懷古偶題臨江亭并浙東元相公所和依本

韻

和浙西李大夫伊川卜居

訓滑州李尚書秋日見寄

叶綬鳥詞

和西川李尚書漢州微月遊房太尉西湖二首

訓李相公喜歸鄉國自鞏縣夜泛洛水見寄

和李相公平泉潭上喜月初見

和李相公初歸平泉過龍門南嶺遙望山居即

事

和李相公以平泉新墅獲方外之名因為詩以

報洛中士君子兼見寄之什

懷妓四首

省試風光草際浮

發蘇州後登武丘寺望梅樓

題報恩寺

歷陽書事七十韻

罷郡姑蘇北歸渡楊子津

補遺

初至長安

答東陽于令溆碧圖詩

有懶吟

虎丘寺路宴

余次敷水驛伏觀華州舅氏昔日行縣題詩處

潜然有感

城西行

請告東歸發霸橋卻寄諸僚友

謝樂天聞新蟬見贈

和樂天秋涼閒臥

春日寄楊八唐州

和竇中丞晚入容江作

題淳于髡墓

送皇甫少尹赴絳州

答白刑部聞新蟬

新秋對月寄樂天

松江送處州奚使君

題招隱寺

思歸寄山中友人

酬竇員外郡齋宴客偶命柘枝因見奇伎兼呈

張十一院長元九侍郎

謝竇員外旬林早涼見示詩

酬浙東李侍郎越州春晚即事長句

再授連州至衡陽酬柳柳州贈別

和樂天送鶴

巫山女神廟

柳絮天  
送曹處士歸越中舊隱

詩  
自江陵沿流道中

魚腹江中  
酬竇員外使君寒食日

途次松滋渡先寄示四韻

樂天少傅五月長齋廣延繙徒謝絕文友坐成

睽間因以戲之

和楊侍郎初至郴州記事書情題郡齋八韻

平齊行二首  
有感

元日感懷  
南中書來

尋汪道士不遇  
謝柳子厚寄疊石硯

謝宣州崔相公賜馬  
姑蘇臺

送周魯儒赴舉詩  
贈同年陳長史員外石

別夔州官吏  
八月十五夜桃源翫月

晚步楊子游南塘望沙尾

海陽十詠

和鄆州令狐相公春晚對花

秋晚病中樂天以詩見問力疾奉酬

重寄表臣絕句

詩十首

...

八月十五夜...

...

...

禹錫別集

翰林白二十二學士見寄詩一百篇因以答

賦

吟君遺我百篇詩使我獨坐形神馳玉琴清夜人不語琪樹春朝風正吹郢人斤斲無痕跡仙人衣裳棄刀尺世人方內欲相尋行盡四維無處覓

始至雲安寄兵部韓侍郎中書白舍人二公

近曾遠守故有屬焉

天外巴子國山頭白帝城波清蜀材盡雲散荒臺

傾汎瀨下哮吼兩岸勢爭衡疾風鬼神過暴雨蛟  
龍生硤斷見孤邑江流照飛薨蠻軍擊嚴鼓笳馬  
引雙旌望闕遙拜舞分庭備將迎銅符一以合文  
墨紛來縈暮色四山起愁猿數處聲重關羣吏散  
靜室寒燈明故人青霞意飛舞集蓬瀛昔曾在池  
籞應知魚鳥情

白舍人自杭州寄新詩有柳色春藏蘇小家  
之句因而戲酬兼寄浙東元相公

錢塘山水有奇聲暫謫仙官領百城女妓還聞名  
小小使君誰許喚卿卿鼉驚震海風雷起蜃鬪虛  
天樓閣成莫道騷人在三楚文星今向斗牛明

春日書懷寄東洛白二十二楊八二庶子

曾向空門學坐禪如今萬事盡忘筌眼前名利同  
春夢醉裏風情敵少年野草芳菲紅錦地遊絲撩  
亂碧羅天心知洛下雨才子不作詩魔卽酒顛  
白舍人見酬杜詩因以寄謝

雖陪三品散班中資歷從來事不同名姓也曾鐫  
石柱詩篇未得上屏風甘陵舊黨凋零盡魏闕新

知禮數崇烟水五湖如有伴猶應堪作釣魚翁

白舍人曹長寄新詩有遊宴之盛因以戲酬

蘇州刺史例能詩西掖今來贊左司二八城門開

道路五千兵馬引旌旗水通山寺笙歌去騎過虹

橋劍戟隨若共吳王鬪百草不如應一作是欠西

施

蘇州白舍人寄新詩有嘆早白無兒之句因

以贈之

莫嗟華髮與無兒却是人間有遠期雪裏高山頭

白早海中仙果子生遲于公必有高門慶謝守何

煩晚鏡悲幸免如新分非淺祝君長詠夢熊詩高山

本高于門使之高二義殊古古之詩流曉此

和汴州令狐相公到鎮改月偶書所懷二十

二韻

受賑新梁苑和羹舊傅巖援毫動星宿垂釣使韜

鈴赫奕三川至歡呼百姓瞻綠油貔虎擁青紙鳳

凰銜外壘曾無警中厨亦罷監推誠人自服去殺

令逾嚴赳赳容皆飾幡幡口盡鉗為兄憐庾翼選

得蕭咸鬱屈咽喉地駢臻水陸兼渡橋鳴紺幘  
入肆颺雲帆端月當中氣東風應遠占管絃喧夜  
景燈燭掩寒蟾酒每傾三雅書能發百函詞人羞  
布鼓遠客獻貂襜歌樹白團扇舞筵金縷衫旌旗  
遙一簇舄履近相攬花樹當朱閣晴河逼翠簾映  
環窺艷艷隔袖見纖纖謝傅何由接桓伊定不凡  
應憐郡齋老旦夕鑷霜髯

白太守行

聞有白太守拋官歸舊谿蘇州十萬戶盡作嬰兒  
啼太守駐行舟閭門草萋萋揮袂謝啼者依然兩  
眉低朱戶非不崇我心如重狴華池非不清意在  
寥廓栖夸者竊所怪賢者默思齊我為太守行題  
在隱起珪

訓樂天揚州初逢席上見贈

巴山楚水淒涼地二十二年棄置身懷舊空吟聞  
遂賦到鄉翻似爛柯人沉舟側畔千帆過病樹前  
頭萬木春今日聽君歌一曲暫憑杯酒長精神  
罷郡歸洛途次山陽留辭郭中丞使君

自到山陽不許辭高齋日夜有佳期管絃正合看  
書院語笑方酬各詠詩銀漢雪晴寒翠幕清淮月  
影落金卮洛陽歸客明朝去客趨城東花發時

楚州開元寺北院枸杞臨井繁茂可觀羣賢  
賦詩因以繼和

僧房藥樹依寒井井有杳泉樹有靈翠黛葉生籠  
石甃殷紅子熟照銅瓶枝繁本是仙人杖眼老新  
成瑞犬形上品功能甘露味還知一勺可延齡

和樂天鸚鵡

養來鸚鵡嘴初紅宜在朱樓繡戶中頻學喚人絲  
性慧偏能識主爲情通斂毛睡足難銷日彈翅愁  
時願見風誰遣聰明好顏色事須安置入深籠

途中逢白監同話遊梁之樂因寄宣武令狐  
相公

曾經謝病各遊梁今日相逢憶孝王少有一身兼  
將相更能四面占文章開顏座上催飛蓋回首庭  
中看舞槍借問風前兼月下不知何客對胡牀

河南王少尹宅讌張常侍白舍人兼呈盧郎



中李員外二副使

將星夜落使星來三省清臣到外臺事重各銜天子詔禮成同把故人盃捲簾松竹雪初霽滿院池塘春欲迴第一林亭迎好客殷勤莫惜玉山頽

鶴嘆二首 并序

友人白樂天去年罷吳郡挈雙鶴雛以歸余相遇于楊子津閒翫終日翔舞調態一符相書信華亭之尤物也今年春樂天為秘書監不以鶴隨置之洛陽第一旦予入門問訊其家人鶴軒然

來睨如記相識徘徊俛仰似含情顧慕而不能

言者因作鶴歎以贈樂天

寂寞一雙鶴主人在西京故巢吳苑樹深院洛陽城徐引竹間步遠舍雲外情誰憐好風月隣舍夜

吹笙 東隣即王家

丹頂宜承日霜翎不染泥愛池能久立看月未成棲一院春草長三山歸路迷主人朝謁早貪養汝

南雞

和宣武令狐相公郡齋對新竹

新竹脩脩韻曉風隔簾依砌尚蒙籠數間素壁初  
開後一段清光入坐中欹枕閒看知自適合毫朗  
詠與誰同此君若飲長相見政事堂東有舊叢

和裴相公寄白侍郎求雙鶴

皎皎華亭鶴來隨太守船  
白君罷吳郡太守攜雙鶴來青雲意

長在滄海到經年留滯清洛苑徘徊明月天何如

鳳池上雙舞入祥烟

終南秋雪

南嶺見秋雪千門生早寒閒時駐馬望高處捲簾  
看霧散瓊枝出日斜鉛粉殘偏宜曲江上倒影入

清瀾

闕下待傳點呈諸同舍

禁漏晨鍾聲欲絕旌旗組綬影相交殿舍佳氣當  
龍首閣倚晴天見鳳巢山色蔥籠丹檻外霞光泛  
灑翠松梢多慙再入金門籍不敢為文學解嘲

和樂天早寒

雨引苔侵壁風驅葉擁堦久留閒客話宿請老僧  
齋酒甕新陳接書籤次第排脩然自有處搖落不

傷懷

和樂天以鏡換酒

把取菱花百鍊鏡換他竹葉十旬杯  
嘖眉厭老終難去蘸甲須歡便到來  
妍醜太分迷忌諱松喬俱傲絕  
嫌猜校量功力相千萬好去從空白玉臺

同樂天送河南馮尹學士

可憐玉馬風流地暫輟金貂侍從才  
閣上掩書劉向去門前修刺孔融來  
峻陵路靜寒無雨洛水橋長晝起雷  
共羨府中棠棣好先於城外百花开

同白二十二贈王山人

愛名之世忘名客多事之時無事身  
古老相傳見來久歲年雖變貌常新  
飛章上達三清路受錄平交五嶽神  
笑聽蓼蓼朝暮鼓只能催得市朝人

題集賢閣

鳳池西畔圖書府玉樹玲瓏景氣開  
長聽餘風送天樂時登高閣望人寰  
青山雲繞欄杆外紫殿香來步武間  
曾是先賢翔集地每看壁記一慙顏

和令狐相公初歸京國賦詩言懷

凌雲羽翮挾天才揚歷中樞與外臺相印昔辭東閣去將星還拱北辰來殿庭捧日飄纓入閣道看山曳履迴口不言功心自適吟詩釀酒待花開

曲江春望

鳳城煙雨歇萬象含佳氣酒後人倒狂花時天似醉三春車馬客一代繁華地何事獨傷懷少年曾得意

和令狐相公春日尋花有懷白侍郎閣老

芳菲滿雍州鸞鳳許同遊花徑須深入時光不少留色鮮由樹嫩枝亞爲房稠靜對仍持酒閒看特上樓晴宜遲夜賞雨便一年休共憶秋官處餘霞曲水頭

和樂天南園試小樂

閒步南園煙雨晴遙聞絲竹出墻聲欲拋丹筆三川去先教清商一部成花木手栽偏有興歌詞自作別生情多才遇景皆能詠當日人傳滿鳳城

嘆水別白二十二

水至清盡美從一勺至于千里利人利物時行時止

道性淨皆然交情淡如此君遊金谷隄上我在石  
渠署裏兩心相憶似流沙 日日無窮已

答樂天戲贈

才子聲名白侍郎風流雖老尚難當詩情逸似陶  
彭澤齋日多如周大常矻矻將心求淨法時時偷  
眼看春光知君技癢思歡讌欲倚天魔破道場

同樂天送令狐相公赴東留守

自戶部尚書拜

尚書劍履出明光居守旌旗起洛陽世上功名兼  
將相人間聲價是文章衙門曉闢分天仗賓幕初

開辟省郎從發坡頭向東望春風處處有甘棠

陵至河南皆故林也

同樂天和微之深春二十首

同用家花車斜四韻

何處深春好春深萬乘家宮門皆映柳輦路盡穿  
花池色連天漢城形象帝車旌旗暖風裏獵獵向

西斜

何處深春好春深阿母家瑤池長不夜珠樹正開  
花橋峻通星渚樓暄近日車層城十二闕相對日

西斜

唐詩劉禹錫

何處深春好春深執政家恩光貪捧日貴重不看  
花玉饌堂交印沙隄柱礙車多門一已閉直道更  
無斜

何處深春好春深貴戚家櫪嘶無價馬庭發有名  
花欲進官人食先薰命婦車晚歸長帶酒冠蓋甚  
傾斜

何處深春好春深大鎮家前旌光照日後騎蹙成  
花節院收衙隊毬場簇看車廣筵歌舞散書號夕  
陽斜

何處深春好春深恩澤家爐添龍腦炷綬結虎頭  
花賓客珠成履嬰孩錦縛車畫堂簾幕外來去燕  
飛斜

何處深春好春深京兆家人眉新柳葉馬色醉桃  
花盜息無鳴鼓朝迴自走車能令帝城外不敢逕  
由斜

何處深春好春深刺史家夜闌猶命樂雨甚亦尋  
花傲客多憑酒新姬苦上車公門吏散後風擺戟  
衣斜

何處深春好春深羽客家芝田繞舍色杏樹滿山  
花雲是淮王宅風爲列子車古壇操簡處一徑入  
林斜

何處深春好春深小隱家芟庭畱野菜撼樹去狂  
花醉酒一千日貯書三十車推衾從露體不敢有  
餘斜

何處深春好春深富室家唯多貯金帛不擬負鶯  
花國樂呼聯轡行厨載滿車歸來看理曲燈下寶  
釵斜

何處深春好春深豪士家多沽味濃酒貴買色深  
花已臂鷹隨馬連催妓上車城南踏青處邨落逐  
原斜

何處深春好春深貴胄家迎呼偏熟客揀選最多  
花飲饌開華幄笙歌出鈿車典酣罇易罄連瀉酒  
瓶斜

何處深春好春深唱第家名傳一紙榜典管九衢  
花薦聽諸侯樂來隨計吏車杏園拋曲處揮袖向  
風斜

何處深春好春深少婦家能偷新禁曲自剪入時  
花追逐同遊伴平章貴價車從來不墮馬故遣髻  
鬟斜

何處深春好春深幼女家雙鬟梳頂髻兩面繡裙  
花妝壞頻臨鏡身輕不占車鞦韆爭次第牽拽絲  
繩斜

何處深春好春深蘭若家當香收栢葉養蜜近梨  
花野徑宜行樂遊人盡駐車菜園籬落短遙見桔  
槔斜

何處深春好春深老宿家小欄圍蕙草高架引藤  
花四字香書印三乘壁畫車遲迴聽句偈雙樹晚  
陰斜

何處深春好春深稚子家曾騎一竿竹偷折四隣  
花櫛比栽籬槿啞啞轉井車可憐高處望棋布不  
曾斜

何處深春好春深稚子家曾騎一竿竹偷折四隣  
花笑擊羊皮鼓行牽犢領車中庭貪夜戲不覺玉  
繩斜



刑部白侍郎謝病長告改賓客分司以詩贈別

鼎食華軒到眼前  
拂衣高坐豈徒然  
九霄路上辭朝客  
四皓叢中作少年  
他日臥龍終得雨  
今朝放鶴且冲天  
洛陽舊有衡茅在  
亦擬抽身伴地仙  
遙賀白賓客  
分司初到洛城戲呈馮尹

西辭望花去  
東占洛陽才  
度嶺無歸思  
看山不懊來  
冥鴻何所慕  
遼鶴乍飛迴  
洗竹通新徑  
攜琴上舊臺  
塵埃長者轍  
風月故人杯  
聞道龍門峻  
還因

上客開

和留守令狐相公答白賓客

蛟龍和風吹樹枝  
商山逸客出關時  
身無拘束起長晚  
路足交親行  
自遲官拂象筵  
終日待私將  
雞黍幾人期  
君來不用飛書報  
萬戶先從紙貴知  
始聞蟬有懷  
白賓客去歲  
白有聞蟬見寄詩  
云  
祗應催我老  
兼遣報君知之句

蟬韻極清切  
始聞何處悲  
人含不平意  
景值欲秋時  
此歲方晚晚  
誰家無別離  
君言催我老  
已是去

年詩

樂天寄洛下新詩兼喜微之欲到因以抒懷也

松間風未起萬葉不自吟池上月自來清輝同夕  
陰宮徵不獨運塤篪自相尋一從別樂天詩思日  
已沉吟君洛中作精絕百鍊金乃知孤鶴情月露  
爲知音微之從東來威鳳啼歸林羨君先相見一  
豁平生心

月夜憶樂天兼寄微之

今宵帝城月一望雪相似遙想洛陽城清光正如  
此知君當此夕亦望鏡湖水展轉相憶心月明千  
萬里

酬鄆州令狐相公官舍言懷見寄兼呈樂天  
詞人各在一涯居聲味雖同跡自疎佳句傳音多  
好事尺題稀雁不便書已通戎略逢黃石仍占星  
文耀碧虛聞說朝天在來歲霸陵春色待來車

吟樂天哭崔兒二篇愴然寄贈

吟君苦調我霑纓能使無情盡有情四望車中心

未釋千秋亭下賦初成庭梧已有棲雛處池鶴今  
無子和聲從此期君比瓊樹一枝吹折一枝生

答樂天所寄詠懷且釋其枯樹之歎

衙前有樂饌常精宅內連池酒甚傾自是官高無  
狎客不論年長少歡情驪龍含被探珠去老蚌胚  
還應月生莫羨三春桃與李桂花成實向秋榮

赴蘇州酬別樂天

吳郡魚書下紫宸長安廐吏送朱輪二南風化承  
遺愛八詠聲名躡後塵梁氏夫妻爲寄客陸家兒  
弟是州民江城春日追隨處共憶東歸舊主人

贈樂天

一別舊遊盡相逢俱涕零在人雖晚達於樹似冬  
青痛飲連宵醉狂吟滿座聽終期拋印綬共占少  
微星

福先寺雪中酬別樂天

龍門賓客會龍宮東去旌旗駐上東二八笙歌雲  
幕下三千世界雪花中離堂未暗排紅燭別曲含  
凄颺曉風才子從今一分散便將詩詠向吳儂

和樂天耳順吟兼寄敦詩

吟君新什慰蹉跎屈指同登耳順科  
鄧禹功成三紀事孔融書就八年多  
已經將相誰能爾拋却承郎爭柰何  
獨恨長洲數千里且隨魚鳥泛煙波

到郡未浹登西樓見樂天題詩因即事以寄

樂天自此郡謝病西歸

湖上投宿雨城中無盡塵樓依新柳貴池帶亂苔  
春雲水正一望簿書來繞身烟波洞庭路愧彼扁舟人

早夏郡中書事

水禽渡殘月飛雨灑高城華堂封嘉樹簾廡含曉  
清拂鏡整危冠振衣步前楹將吏儼成列簿書紛  
來縈言下辨曲直筆端破交爭虛懷詢病苦懷律  
操剽輕關吏告無事歸來解簪纓高簾覆朱閣忽  
坐聞調笙

憶春草

憶春草處處多情洛陽道金谷園中見日遲銅駝  
陌上迎風早河南大尹頻出難只將池塘十步看

府門閉後滿街月幾處遊人草頭歇館娃宮外姑  
蘇臺鬱鬱芊芊撥不開無風自偃君知否西子裙  
裾曾拂來

樂天寄憶舊送因作報白君以答

報白君別來幾度江南春江南春色何處好燕子  
雙飛故官道春城三百七十橋夾岸朱橋隔柳條  
丫頭小兒蕩畫槳長袂女郎簪翠翹郡齋北軒卷  
羅幕碧池逶迤遶畫閣池邊綠竹桃李花花下舞  
筵鋪錦霞吳娃足情言語點越客有酒巾冠斜坐  
中皆言白太守不負風光向杯酒酒酣襍虜飛逸  
韻至今傳在人人口報白君相思空望嵩丘雲其  
柰錢塘蘇小小憶君淚點石榴裙白君在城近  
自洛歸錢塘  
和白侍郎送令狐相公鎮太原

十萬天兵貂錦衣晉城風日斗生輝行臺僕射深  
恩重從事中郎舊路歸疊鼓蹙成汾水浪閃旗驚  
斷塞鴻飛邊庭自此無烽火擁節還來坐紫微

秋夕不寐寄樂天

洞戶夜簾卷華堂秋簟清螢飛過池影蛩思遶階

聲老枕知將雨高窗報欲明何人諳此景遠問白先生

冬日晨興寄樂天

庭樹曉禽動郡樓殘照聲燈挑紅燼落酒煖白光  
生髮少嫌梳利顏衰恨鏡明獨吟誰應和須寄洛陽城

酬樂天見寄

元君後輩先零落崔相同年不少留華屋坐來能  
幾日夜臺歸去便千秋背時猶自居三品三川吳

得老終須卜一丘

與樂天為隣

若使吾徒還早達

亦應簫鼓入松楸

答樂天見憶

與老無期約到來如等閒偏傷朋友盡移興子孫  
聞筆底心無毒盃前膽不狃呼關反唯遺憶君夢飛

過武牢關

和樂天諠失婢勝者

把鏡朝猶在添香夜不歸鴛鴦拂瓦去鸚鵡透籠  
飛不逐張公子即隨劉武威新知正相樂從此脫

青衣

樂天寄重和晚達冬青一篇因成再答

風雲變化饒年少光景蹉跎屬老夫  
秋隼自能凌汗漫寒龜飲氣受泥塗  
東隅有失誰能免北叟之言豈便無  
振臂猶堪呼一擲爭知掌下不成盧

河南白尹有喜崔賓客歸洛兼見懷長句因

而繼和

幾年侍從作名臣却向青雲索得身  
朝士忽爲方外士主人仍是眼中人  
雙鸞遊處天京好五馬行時海嶠春  
遙羨光陰不虛擲肯令絲竹暫生塵

和楊師臯給事傷小姬英英

見學胡琴見藝成今朝追想幾傷情  
撚絃花下呈新曲放撥燈前謝改名  
但是好花皆易落從來尤物不長生  
鸞臺夜直衾冷雲雨無因入禁城

和樂天洛下醉吟寄太原令狐相公兼見懷

長句

舊相臨戎非稱意詞人作尹本多情  
從容自使邊塵靜談笑不聞桴鼓聲  
章句新添塞下曲風流舊

占洛陽城昨來亦有吳趨詠惟寄東都與北京  
郡齋書懷寄江南白尹兼簡分司崔賓客  
謾讀圖書三十車年年爲郡老天涯一生不得文  
章力百口空爲飽煖家綺季衣冠稱鬢面吳公政  
事副詞華還思謝病今歸去同醉城東桃李花

陳州謝樂天七月一日夜卽事見寄

夜樹風韻清天河雲彩輕故花多露草隔城聞鶴  
鳴搖落從此始別離含遠情聞君當是夕倚瑟吟  
商聲外物豈不足中懷向誰傾秋來念歸去同聽

嵩陽笙

題于家公主舊宅

樹滿荒臺水滿池簫聲一絕草蟲悲鄰家猶學宮  
人髻園客爭偷御菓枝馬埒蓬蒿藏狡兔鳳棲煙  
雨笑愁鴟何郎獨在無恩澤不似當初傅粉時

八月十五夜半雲開然後翫月因詠一時之

景寄呈樂天

半夜碧雲收中天素月流開城邀好客置酒賞新  
秋影透衣香潤光凝歌黛愁斜輝猶可翫移宴上



西樓

秋日書懷寄白賓客

州遠雄無益年高健亦衰  
興情逢酒在筋力上樓  
知蟬噪芳意盡雁來愁  
望時商山紫芝客應不向  
秋悲

酬樂天見貽賀金紫之什

久學文章含白鳳却因政事賜金魚  
郡人未識聞謠詠天子知名與詔書  
珍重和詩呈錦繡願言歸計並園廬  
舊來詞客多無位金紫同遊誰得如

酬樂天初冬早寒見寄

乍起衣猶冷微吟帽半欹  
霜凝南至瓦雞唱後園  
枝洛水碧雲曉吳宮黃葉時  
兩傳千里意書札不如詩

樂天見示傷微之敦詩晦叔三君子皆有深

分因成是詩以寄

吟君歎逝雙絕句使我傷懷奏短歌  
世上空驚故人少集中惟覺祭文多  
芳林新葉催陳葉流水前波讓後波  
萬古到今同此恨聞琴淚盡欲如何

春池泛舟聯句

鳳池新雨後池上好風光上相公取酒愁春盡留

賓喜日長度送兵部柳絲迎畫舸水鏡寫雕梁羣送賈

潭洞迷仙府煙霞認醉鄉籍送張司業鶯聲隨雨語行

色入壺觴籍送主客晚景含澄徹時芳得艷陽尚飛鳧

拂輕浪綠柳暗回塘度逸韻追安石高居勝辟疆

羣杯停新令舉詩動綵牋餽顧謂同來客歡遊

不可忘

杏園聯句

杏園千樹欲隨風一醉同人此暫同司空老態忽

忘絲髮裏衰顏宜解酒杯中絳上白曲江日暮殘

紅盡翰苑年深舊事空居易止二十四年流落者

故人相引到花叢禹錫

花下醉中聯句

共醉風光地花飛落酒盃絳送二殘春猶可賞晚

景莫相催禹錫送白侍郎酒幸年年有花應歲歲開居易送兵

部相且當金韻擲莫遣玉山頽絳送庾高會彌堪

惜良時不易陪承宣送誰能拉花住爭換得春回

中唐詩 劉禹錫

禹錫送

我輩尋常有佳人早晚來

嗣復送

寄言三

相府欲散且徘徊

居易時戶部相公同會

宴典慶池亭送白二十二東歸聯句

東洛言歸去西園告別來白頭青眼客池上手中

杯度離瑟殷勤奏仙舟委曲回征輪全欲動賓閣

為誰開禹錫坐弄琉璃水行登綠縹苔花低妝照影

萍散酒吹鮎居易岸蔭新抽竹亭香欲變梅隨遊多

笑傲遇勝且徘徊藉澄徹連天鏡潺湲出地雷林

塘難共賞鞍馬莫相催度信及魚還樂機忘鳥不

猜晚晴槐起露新暑石添苔禹錫擬作雲泥別尤思

頃刻陪歌停珠貫斷飲罷玉峰頽居易雖有逍遙志

其如磊落才會當重日用此去肯悠哉籍

西池送白二十二東歸兼寄令狐相公聯句

促坐宴回塘送君歸洛陽彼都畱上宰為我說中

腸度威鳳池邊別冥鴻天際翔披雲見居守望日

拜封章禹錫春盡年華少舟通景氣長送行歡共惜

寄遠意難忘籍東道瞻軒蓋西園醉羽觴謝公深

眷盼商皓信輝光行武舊德推三友新篇代八行

首夏猶清和聯句

記得謝家詩清和卽此時居餘花數種在密葉幾

重垂度芳謝人人惜陰成處處宜禹水萍爭點綴

梁燕共追隨行亂蝶憐疎葢殘鶯戀好枝籍草香

殊未歇雲勢漸多奇居單服初寧體新篁已出籬

度與春爲別近覺日轉行蓮禹遶樹風光少侵階

苔蘚滋行惟思奉歡樂長得在西池

薔薇花聯句

似錦如霞色連春接夏開禹波紅分影入風好帶

香來度得地依東閣當階奉上台行淺深皆有態

次第暗相催禹滿地愁英落綠堤惜棹迴度芳濃

濡雨露明麗隔塵埃行似著臙脂染如經巧婦裁

居奈花無別計只有酒殘杯籍

西池洛泉聯句

東閣聽泉落能令野興多行散時猶帶沫淙處卽

跳波度徧洗磷磷石還驚泛泛鵝籍色清塵不染

光白月相和居噴雪縈絲竹攢珠濺芰荷禹對吟

時合響觸樹更搖柯籍照圃分紅藥侵堦沒綠莎

居日斜車馬散餘韻逐鳴珂禹錫

和樂天柘枝

柘枝本出楚王家玉面添嬌舞態奢  
髭鬢改梳鸞鳳髻新衫別織鬪雞紗  
鼓催殘拍腰身軟汗透羅衣  
雨點花盡筵曲罷辭歸去便隨王母上煙霞

和樂天題真娘墓

簷蔔林中黃土堆羅襦繡黛已成灰  
芳魂雖死人不怕蔓草逢春花自開  
幡蓋向風疑舞袖鏡燈臨曉似粧臺  
吳王嬌女墳相近一片行雲應往來

客有話汴州新政書事寄令狐相公

天下咽喉今大寧軍城喜氣徹青冥  
庭前劔戟朝迎日筆底文章夜應星  
三省壁中題姓字萬人頭上見儀形  
汴州忽復承平事正月看燈戶不扃

和令狐相公郡齋對紫微花

明麗碧天霞丰茸紫綬花香聞荀令宅  
艷入孝王家幾歲自榮樂高情方嘆嗟  
有人移上苑猶是占年華

令狐相公見示河中楊少尹贈答兼命繼之

兩首新詩百字餘朱絃玉磬韻難如漢家丞相重  
徵後梁苑仁風一變初四面諸侯瞻節制八方通  
貨溢河渠自從却穀爲元帥大將歸來盡把書

和令狐相公謝太原李侍中寄蒲桃

珍果出西域移根到北方昔年隨漢使今日寄梁  
王上相芳緘至行臺綺席張魚鱗含宿潤馬乳帶  
殘霜染指鉛粉膩滿喉甘露香醞成千日酒味敵  
五雲漿咀嚼停金盞稱嗟響畫堂慚非未至客不  
得一枝嘗

和令狐相公送趙常盈鍊師與中貴人同拜

嶽及天台投龍畢却赴京師

銀璫謁者引蜺旌霞帔仙官到赤城白鶴迎來天  
樂動金龍擲下海神驚元君伏奏歸中禁武帝親  
齊禮上清何事夷門請詩送梁王文字上聲名

令狐相公俯賜篇章斐然仰謝

鄂渚臨流別梁園衝雪來旅愁隨凍釋歡意待花  
開城曉烏頻起池春雁欲回飲和心自醉何必管  
絃催

酬令狐相公贈別

越聲長苦有誰聞  
老向湘山與楚雲  
海嶠新辭永  
嘉守夷門重見信  
陵君田園松菊今  
迷路霄漢鴛  
鴻久絕羣  
幸遇甘泉尚詞賦  
不知何客薦雄文

酬令狐相公賀遷拜之什

遭迴二紀重為郎  
洛下遙分列宿光  
不見當關呼  
早起曾無侍史與  
焚香三花秀色通  
壩幌十字春

波遶宅墻白首青衫誰比數  
相憐只是有梁王相

昔曾以大僚分司故  
有同病相憐之句

酬令狐相公早秋見寄

公來第四秋  
樂國號無愁  
軍士遊書肆  
商人占酒樓  
熊羆交黑綃  
賓客滿青油  
今日文章主  
梁王不

姓劉

和令狐相公翫白菊

家家菊盡黃  
梁菊獨如霜  
瑩靜真琪樹  
分明對玉堂  
仙人披雪氅  
素女不紅妝  
妝蝶來難見  
麻衣拂更香  
向風搖羽扇  
含露滴瓊漿  
高豔遮銀井  
繁枝覆象牀  
桂叢慙並發  
梅蕊妒先芳  
一入瑤華詠  
從

茲播樂章

夏日寄宣武令狐相公

長憶梁王逸興多西園花盡興如何近來溽暑侵  
亭館應覺淡談勝綺羅境入篇章高韻發風穿號  
令衆心和承明欲謁先相報願拂朝衣逐曉珂

令狐相公見示贈竹二十韻仍命繼和

高人必愛竹寄興良有以峻節可臨戎虚心宜得  
士衆芳信妍媚威鳳難棲止遂於鞀鼓間移植東  
南美封以梁國土澆之浚泉水得地色不移凌空

勢方起新青排故葉餘粉籠疎理猶復隔墻藩何  
因出塵滓茲辰去前蔽永日勞瞪視槭槭林已成  
熒熒玉相似親摹起心匠洗滌在頤指曲直旣瞭  
然孤高何卓爾垂梢覆內屏迸笋侵前屺妓席拂  
雲鬢賓階廕珠履抱琴恣閒翫執卷堪斜倚露下  
懸明璫風來韻清徵堅貞貫四候標格殊百卉歲  
晚當自知繁華豈云比古詩無贈竹高唱從此始  
一聽清瑤音崢然長在耳

和令狐相公入潼關



寒光照旌節關路曉無塵吏謁前丞相山迎舊主  
人東瞻軍府靜西望勅書頻心共黃河水同昇天  
漢津

和令狐相公尋白閣老見留小飲因贈

傲士更逢酒樂天仍對花文章管星曆情興占年  
華宦達翻思退名高却不誇惟存浩然氣相共賞  
烟霞

酬令狐相公雪中遊玄都見憶

好雪動高情心期在玉京人披鶴氅出馬踏象筵  
行照耀樓臺變淋漓松桂清玄都留五字使入步  
虛聲

和令狐相公以司空裴相見招南亭看雪四

韻

重門不下關樞務有餘閒上客同看雪高亭盡見  
山瑞呈霄漢外興入笑言間知是平陽會人人帶  
酒還

酬令狐相公留守巡內至集賢院見寄

仙院文房隔舊宮當時盛事盡成空墨池半在頽

垣下書帶猶生蔓草中  
巡內因經九重苑  
裁詩又繼二南風  
為兄手寫殷勤句  
遍歷三台各一通

酬令狐相公春日言懷見寄

前陪看花處  
隣里近王昌  
今想臨戎地  
旌旗出汝陽  
營飛柳絮雪  
門耀戟枝霜  
東望清河水  
心隨編

上郎

和令狐相公言懷寄河中楊少尹

章句慙非第一流  
世間才子暗陪遊  
吳宮已歎芙蓉死

芙蓉死

張司業詩云吳宮四面秋江水天清露白芙蓉死

邊月空悲蘆管秋

李白書

任向洛陽稱傲吏

分司白賓客

苦教河上領諸侯

天平相公

石渠甘對圖書老  
關外楊公安穩不

途次大梁雪中奉天平令狐相公書問兼示

新什因思曩歲從此拜辭形於短篇以申

仰謝

遠守宦情薄  
故人書信來  
共曾花下別  
今獨雪中回  
紙尾得新什  
眉頭還暫開  
此時同雁鶩  
池上一

徘徊

令狐相公自天平移鎮太原以詩申賀

相公昔為

州從事

北都留守將天兵出入天街宿禁局鞞鼓夜聞驚  
朔雁旌旗曉動拂參星孔璋舊檄家家有叔度新  
歌處處聽夷落遙知真漢相爭來屈膝看儀刑

重酬前寄

邊烽寂寂盡收兵宮樹蒼蒼靜掩扃戎羯歸心如  
內地天狼無角比凡星新成麗句開緘後便入清  
歌滿坐聽吳苑晉祠遙望處可憐南北太相形

酬令狐相公秋懷見寄

寂寞蟬聲盡差池燕羽回秋鄰多越絕朔氣想臺  
駘相去數千里無因同一杯殷勤望飛雁新自塞  
垣來

令狐相公自太原累示新詩因以酬寄

飛蓬卷盡塞雲寒戰馬閒嘶漢地寬萬里胡天無  
警急一籠烽火報平安燈前妓樂畱賓宴雪後山  
河出獵看珍重新詩遠相寄風情不似四登壇

酬令狐相公六言見寄

已嗟離別太遠更被光陰苦催吳苑燕辭人去汾

川雁帶書來愁吟月落猶望憶夢天明未回今日  
便令歌者唱兒詩送一杯

酬太原令狐相公見寄

書信來天外瓊瑤滿匣中衣冠南渡遠旌節北門  
雄鶴唳華亭月馬嘶榆塞風山川幾千里惟有兩  
心同

酬令狐相公歲暮遠懷見寄

別侶孤鶴怨冲天威鳳歸容光一以間夢想是耶  
非芳訊還珍重知音老更稀不知湖上雁北向整

毛衣

酬令狐相公親仁郭家花下即事見寄

荀令園林好山公遊賞頻豈無花下侶還望眼中  
人斜日漸移影落英紛委塵一吟相思曲惆悵江

南春

酬令狐相公首夏閒居書懷見寄

蕙草芳未歇綠槐陰已成金壘唯獨酌瑤瑟有離  
聲翔泳各殊勢篇章空寄情應憐三十載未變使

君名  
貞元中自郎官出  
守至今三十一年

酬令狐相公庭前白菊花謝偶書所懷見寄  
數叢如雪色一旦冑霜開寒蕊差池落清香斷續  
來思深含別怨芳謝惜年催千里難同賞看看又  
早梅

酬令狐相公季冬南郊宿齋見寄

壇下雪初霽南城凍欲生齋心祠上帝高步領名  
卿沐浴含芳澤周旋聽珮聲猶憐廣平守寂寞竟  
何成

貞元中侍郎舅氏牧華州時余再忝科第前

後由華覲謁陪登伏毒寺屢焉亦曾賦詩

題於梁棟今典馮翊暇日登樓南望三峰

浩然生思追想昔年之事因成篇題舊寺

曾作關中客頻經伏毒巖晴烟沙苑樹晚日渭川  
帆昔是青春貌今悲白雪髯郡樓空一望含意卷  
高簾

酬令狐相公杏園下飲有懷見寄

年年曲江望花發卽經過未飲心先醉臨風思倍  
多三春看又盡兩地欲如何日望長安道空成勞

者歌

和令狐相公春早朝回鹽鐵使院中作

柳動御溝清威遲堤上行城隅日未過山色雨初晴鶯避傳呼起花臨府署明簿書盈几案要自有高情

令狐相公見示題洋州崔侍郎宅雙木瓜花

頃接待郎同舍陪宴樹下吟翫來什輒成

和章

金牛蜀路遠玉樹帝城春榮耀登華館逢迎欠主人

簾前疑小雪墻外麗行塵來去皆回首情深是

德鄰

和令狐僕射相公題龍回寺

茲地回鑿日皇家禪聖時路無胡馬跡人識漢官儀天子旌旗度法王龍象隨知懷去嗟歎經此益

遲遲

相公家本咸陽有喬木之思

和令狐相公晚泛漢江書懷寄洋州崔侍郎

閩州高舍人二曹長

雨過遠山出江澄暮霞生因浮濟川舟遂作適野

行郊樹映緹騎水禽避紅旌田夫捐畚鍤織婦窺  
柴荆古岸夏花發遙林晚蟬清沿洄方翫境鼓角  
已登城部內有良牧望中寄深情臨觴念佳期泛  
瑟動離聲寂寞一病士夙昔接羣英多謝謫仙侶  
幾時還玉京

酬令狐相公使宅別齋初栽桂樹見懷之作  
清淮南岸家山樹黑水東邊第一栽影近畫梁迎  
曉日香隨綠酒入金杯根留本土依江潤葉起寒  
稜映月開早晚陰成比梧竹九霄還放綵鵬來

令狐相公頻示新什早春南望遐想漢中因

抒短章以寄情悵

軍城臨漢水旌旆起春風遠思見江草歸心看塞  
鴻野花沿古道新葉映行宮惟有詩兼酒朝朝兩  
不同

謝令狐相公見寄

才兼文武播雄名遺愛芳塵滿洛城身在行臺爲  
僕射書來舊里訪先生問遊占得嵩山色醉臥高  
聽洛水聲千里相思難命駕七言詩裏寄深情

令狐相公見示新栽蕙蘭二草之什兼命同

作

上國庭前草移來漢水潯朱門雖易地玉樹有餘  
陰豔彩凝還泛清香絕復尋光華童子佩柔軟美  
人心惜晚含遠思賞幽空獨吟寄言知音者一奏

風中琴

和令狐相公南齋小讌聽阮咸

陋巷綠蕪沉四絃有遺音雅聲發蘭室遠思含竹  
林座絕衆賓語庭移芳樹陰飛觴助真氣寂聽無

流心影似白團扇調諧朱弦琴一毫不平意幽怨

古猶今

和令狐相公詠梔子花

蜀國花已盡越桃今已開色凝瓊樹倚香似玉京  
來且賞同心處那憂別葉催佳人如擬詠何必待

寒梅

酬令狐相公新蟬見寄

春去三千里聞蟬同此時清吟曉露葉愁噪夕陽  
枝忽爾絃斷絕俄聞管參差洛橋碧雲晚西望佳



人期

和令狐相公九日對黃白二菊花見懷

素萼迎寒秀金英帶露香繁華照旄鉞榮盛對銀  
黃琮璧交輝映衣裳雜彩章晴雲遙蓋覆秋蝶近  
悠揚空想逢九日何由陪一觴滿叢佳色在未肯  
委嚴霜

令狐僕射與余投分素深縱山川阻峭然音  
問相繼今年十一月僕射疾不起聞子已  
承訃書寢門長慟後日有使者兩章持

并詩計其日時已是臥疾手筆盈幅翰墨  
尚新詞一篇音韻彌切收淚握管以成報  
章雖廣陵之弦於今絕矣而蓋泉之感猶  
庶聞焉焚之總帳之前附于舊篇之末

前日寢門慟至今悲有餘已嗟萬化盡方見八行  
書滿紙傳相憶裁詩怨索居危絃音有絕哀玉韻  
由虛忽嘆幽明異俄驚歲月除文章雖不朽精魄  
竟焉如零淚霑青簡傷心見素車悽涼從此後無  
復望雙魚

郡內書情獻裴侍中留守

功成頻獻乞身章  
擺落襄陽鎮洛陽  
萬乘旌旗分一半  
八方風雨會中央  
兵符今奉黃公略  
書殿曾隨翠鳳翔  
心寄華亭一雙鶴  
日陪高步繞池塘

訓樂天閒臥見寄

散誕向陽眠  
將閒敵地仙  
詩情茶助爽  
藥力酒能宣  
風碎竹間日  
露明池底天  
同年未同隱  
緣欠買

山錢

訓樂天小亭寒夜有懷

寒夜陰雲起  
疎林宿鳥驚  
斜風閃燈影  
逆雪打窓聲  
竟夕不能寐  
同年知此情  
漢皇無柰老  
何況本

書生

和樂天閒園獨賞八韻前以蜂鶴拙句寄呈

今辱蝸蟻妍詞見答因成小巧以取大哈

永日無人事  
芳園注興行  
陶廬樹可愛  
潘宅雨新晴  
傅粉琅玕節  
薰香菡萏莖  
榴花裙色好  
桐子藥圓成  
柳蠹枝偏亞  
桑閒葉再生  
睢盱欲鬪雀  
索漠不言鶯  
動植隨四氣  
飛沉舍五情  
槍榆與水擊  
小

大強為名

謝樂天衫酒見寄

酒法眾傳吳米好舞衣偏尚越羅輕  
動搖浮蟻香濃甚裝束輕鴻意態生  
闕曲定知能自適舉杯應歎不同傾  
終朝相憶終年別對景臨風無限情

兩如何詩謝裴令公贈別二首

一言一顧重重何如今日陪遊清洛苑  
昔年別人

承明廬

一東一西別別何如終期大冶再鎔鍊  
願託扶搖

翔碧虛

將之官留辭裴令公留守

祖帳臨伊水前旌指渭河風烟里數少雲雨別情  
多重疊受恩久遑迴如命何東山與東閣終異再  
經過

訓喜相遇同州與樂天替代

舊託松心契新交竹使符行年同甲子筋力羨丁  
夫別後詩成秩攜來酒滿壺今朝停五馬不獨為

羅敷

前章所言春草白君之舞妓也故有此答

奉和裴令公新城綠野堂卽書

藹藹鼎門外澄澄洛水灣  
堂皇臨綠野坐臥看青  
山位極却忘貴功成欲愛閒  
官名思管籥心術去  
機關禁苑凌晨出園花及露攀  
池塘魚拔刺竹逕  
鳥綿蠻志在安瀟灑嘗經歷險艱  
高情方造適舉  
意望徵還好客交珠履華筵舞玉顏  
無因隨賀燕  
翔集畫梁間

自左馮歸洛下訓樂天兼呈裴令公

新恩通籍在龍樓分務神都近舊丘  
自有園公紫

芝侶

時賓行四人  
盡在洛中

仍追少傅赤松遊華林霜葉紅

霞晚伊水晴光碧玉秋更接東山文酒會始知江

左未風流

王儉云江左風流  
宰相唯有謝安石

秋齋獨坐寄樂天兼呈吳芳之大夫

空齋寂寂不生塵藥物方書繞病身  
纖草數莖勝  
靜地幽禽忽至似佳賓世間憂喜  
雖無定釋氏銷  
磨盡有因同向洛陽閒度日莫教風景屬他人

和樂天齋戒月滿夜對道場偶懷詠

常修清靜去繁華人識王城長者家  
案上香烟鋪

貝葉佛前燈焰透蓮花持齋已滿招閒客理曲先  
聞命小娃明日若過方丈室還應問爲法來耶

吳方之見示獨酌小醉首篇樂天續有訓答  
皆含戲謔極至風流兩篇之中並蒙見屬  
輒呈濫吹益羨來章

間門共寂任張羅靜室同虛養太和塵世歡娛開  
意少醉鄉風景獨遊多散金疏傳尋常樂枕麴劉  
生取次歌計會雪中爭挈榼塵裘鶴氅遞相過

訓樂天齋滿日裴令公置宴席上戲贈

一月道場齋戒滿今朝華幄管絃迎銜杯本自多  
狂態事佛無妨有佞名酒力半酣愁已散文鋒未  
鈍老猶爭平陽不獨容賓醉聽取喧呼吏舍聲

訓樂天偶題酒瓮見寄

從君勇斷他名後世路榮枯見幾回門外紅塵人  
自走甕頭清酒我初開三冬書任胸中有萬戶侯  
須骨上來何幸相招同醉處洛陽城裏好池臺

訓樂天請裴令公開春加宴

高名大位能兼有恣意遨遊是特恩二室煙霞成

步障三州風物是家園  
晨窺苑樹韶光動  
晚度河橋春思繁  
絃管常調客常滿  
但逢花處即開樽

樂天示過敦詩舊宅有感一篇吟之泫然追

想昔事因成繼和以寄苦懷

淒涼同到故人居  
門枕寒流古木疎  
向秀心中嗟

棟宇蕭何身後散  
圖書本營歸計非  
無意唯算生

涯尚有餘忽憶前  
因更惆悵丁寧相  
約速懸車敦詩

與予友樂天三人同甲子平生相約同休洛平

閒坐憶樂天以詩問酒熟未

案頭開縹帙肘後檢青囊  
唯有達生理應無治老

方減書存眼力省事養心  
王君酒何時熟相攜入

醉鄉

和樂天洛城春齊梁體八韻

帝城宜春入遊人喜意長  
草生季倫谷花出莫愁

坊斷雲發山色輕風漾  
水光樓前戲馬地樹下鬪

雞場白頭自為侶綠酒亦  
滿觴潘園觀種植謝墅

閱池塘至閒似隱逸過老  
不悲傷相問焉功德銀

黃遊故鄉

三月三日與樂天及河南李尹奉陪裴令公  
泛洛禊飲各賦十二韻  
洛下今修禊羣賢勝會稽盛筵陪玉鉉通籍盡金  
闈波上神仙妓岸傍桃李蹊水嬉如鷺振歌響雜  
鶯啼歷覽風光好沿洄意思迷棹歌能儷曲墨客  
競分題翠幄連雲起香車向道齊人誇綾步障馬  
惜錦障泥塵暗宮墻外霞明苑樹西舟形隨鷁轉  
橋影與虹低川色晴猶遠鳥聲暮欲棲唯餘踏青  
伴待月魏王堤

寄和東川楊尚書慕巢兼寄西川繼之二公

近從弟兄情分偏陸早忝遊舊因成是詩  
太華蓮峰降嶽靈兩川棠樹接郊坰政同兄弟人  
人樂曲和埴篔處處聽楊葉百穿榮會府芝泥五  
色耀天庭各拋筆硯誇旄鉞莫遣文星讓將星

秋中暑退贈樂天

暑服宜秋著清琴入夜彈人情皆向菊風意欲摧  
蘭歲稔貧心泰天涼病體安相逢取次第却甚少  
年歡

和樂天洛中雪中宴集寄汴州李尚書

洛城無事足杯盤風雪相和歲欲闌樹上因依見  
寒鳥坐中收拾盡閒官笙歌要請頻何爽笑語忘  
機拙更歡遙憶兔園今日會瓊林滿眼映旂竿

喜遇劉二十八偶書兩韻聯句

病來佳興少老去舊遊稀笑語縱橫作盃觴絡繹

飛度清談如水玉逸韻貫珠璣高位當金鉉虛懷

似布衣禹錫已榮狂取樂仍任醉忘機捨眷將何

適留歡便是歸居易風儀常欲附蛟力自知微願

假樽壘末膺門自此依紳

劉二十八自汝赴左馮塗經洛中相見聯句

不歸丹掖去銅竹漫云云唯喜因過我須知未賀

君度詩聞安石詠香見令公薰欲首函關路來披

緜嶺雲居易貂蟬公獨步鴛鴦我同羣插羽先飛

酒交鋒便戰文紳鎮嵩知表德定鼎為銘勳顧鄙

容商洛徵歡候汝墳禹錫頻年多謔浪此夕任喧

紛故態猶應在行期末要聞度游藩榮已久捧袂

惜將分詎厭杯行疾唯愁日向曛居易窮陰初莽



蒼離思漸氤氳殘雪午橋岸斜陽伊水濱紳上謨

尊右掖全略靜東軍萬頃徒稱量滄溟詎有垠禹錫

予自到洛中與樂天為文酒之會時時構詠

樂不可支則慨然共憶夢得而夢得亦分

司至止懽愜可知因為聯句

成周文酒會吾友勝鄒枚唯憶劉夫子而今又到

來度欲迎先倒屣一坐便傾盃飲許伯倫石詩推

公幹才並以本久曾聆郢唱重喜上燕臺晝話墻

陰轉宵歡斗柄迴禹錫新聲還共聽故態復相哈

遇物皆先賞從花半未開度起時烏帽側散處玉

山頽墨客喧東閣文星犯上台居易詠吟君稱首

疎放我為難憶戴何勞訪夢得時夢得分司而來畱髡不用

猜冥席上老夫暫起奉觴承麴蘖落筆捧瓊瑰醉

弁無妨側詞鋒不可摧此兩韻美令水軒看翡翠

石徑踐莓苔童子能騎竹佳人解詠梅陪遊南宅之境禹錫

洛中三可矣鄴下七悠哉自向風光急不須絃管

催度樂觀魚踴躍閒愛鶴徘徊煙柳青凝黛波萍

綠撥醅居易春榆初改火律管又飛灰紅藥多遲

發碧松宜亂栽

禹錫

馬嘶馳陌上鶴泛鳳城隈色

色時堪惜些些病莫推

度

涸流尋軋軋餘刃轉恢

恢從此知心伏無因敢自媒

禹錫

室隨親客入席

許舊寮陪逸興稽將阮交情陳與雷

此二句屬夢得也居易

洪爐思哲匠大厦要羣材他日登龍路應知免曝

鰓

禹錫

洛中早春贈樂天

漠漠復靄靄半晴將半陰春來自何處無迹日以深  
韶嫩水復木輕盈烟際林藤生欲有託柳弱不

自任花意已含蓄鳥言尚沉吟期君當此時與我

恣追尋翻愁爛熳後春暮却傷心

和樂天讌李周美中丞宅池上賞櫻桃花

櫻桃千萬枝照耀如雪天王孫讌其下隔水疑神  
仙宿露發清香初陽動暄妍妖姬滿髻插酒客折  
枝傳同此賞芳月幾人有華筵杯行勿遽辭好醉  
逸三年

和牛相公遊南莊醉後寓言戲贈樂天兼見

示

城外園林初夏天就中野趣在西偏  
薔薇亂發多臨水鷓鴣雙遊不避船  
水底遠山雲似雪橋邊平岸草如煙  
白家唯有盃觴興欲把頭盤打少年

樂天池館夏景方妍白蓮初開綠舟空泊邀

緇侶因以戲之

池館今正好主人何寂然白蓮方出水碧樹未鳴  
蟬靜室宵聞磬齋厨晚絕烟蕃僧如共載應不是  
神仙

訓樂天晚夏間居欲相訪先以詩見貽

池榭堪臨泛翛然散鬱陶步因驅鶴緩吟為聽蟬  
高林密添新竹枝低墜晚桃酒醅晴易熟藥圃夏  
頻薈老是班行舊閒為鄉里豪經過更何處風景  
屬吾曹

訓樂天感秋涼見寄

庭晚初辨色林秋微有聲槿衰猶強笑蓮迴却多情  
簷燕歸心動鞦鷹俊氣生閒人占閒景酒熟且  
同傾

樂天以愚相訪沽酒致歡用七言聊以奉答

少年曾醉酒旗下同輩黃衣領亦黃  
蹴踏青雲尋入仕蕭條白髮且飛觴  
今徵古事歡生雅客喚閒人興任狂  
猶勝獨居荒草院蟬聲聽盡到寒螿

秋晚新晴夜月如練有懷樂天

雨歇晚霞明風調夜景清  
月高微暈散雲薄細鱗生  
露草百蟲思秋林千葉聲  
相望一步地脉脉萬重情

和思黯南莊見示

丞相新家伊水頭  
智囊心匠日增修  
化成池沼無痕跡  
奔走清波不自由  
臺上看山徐舉酒  
潭中見月慢回舟  
從來天下推尤物  
合屬人間第一流

同畱守王僕射各賦春中一物從一韻至七

鶯能語多情春將半天欲明  
始逢南陌復集東城林疎時見影  
花密但聞聲營中綠催短笛樓上來  
定哀箏千門萬戶垂楊裏  
百轉如簧烟景晴

和樂天春詞依憶江南曲拍爲句

春去也多謝洛城人  
弱柳從風疑舉袂  
叢蘭裊露似霑巾  
獨坐亦含嚬

訓樂天小臺晚坐見憶

小臺堪遠望獨上清秋時有酒無人勸看山祇自知  
幽禽轉新竹孤蓮落靜池高門勿遽掩好客無前期

早秋雨後寄樂天

夜雲起河漢朝雨灑高林梧葉先風落草蟲迎濕  
吟簟涼扇恩薄室靜琴思深且喜炎前別安能懷寸陰

和樂天燒藥不成命酒獨醉

九轉欲成就百神應主持鶯啼鼎上去老貌鏡前  
悲却顧空丹竈回心向酒卮醺然耳熱後暫似少年時

訓樂天詠老見示

人誰不願老老去有誰憐身瘦帶頻減髮稀冠自  
偏廢書緣惜眼多灸爲隨年經事還諳事閱人如  
閱川細思皆幸矣下此便翛然莫道桑榆晚微霞  
尚滿天

歲夜詠懷

彌年不得意新歲又如何念昔同遊者而今有幾  
多以閒為自在將壽補蹉跎春色無新故幽居亦  
見過

元日樂天見過因舉酒為賀

漸入有年數喜逢新歲來震方天  
籟動寅位帝車回門巷掃殘雪  
林園驚早梅與君同甲子壽酒讓  
先杯

謝思黯見示小飲四韻

拋却人間第一官俗情驚怪我方安  
兵符相印無

心戀洛水嵩雲恣意看三足鼎中知味久百尋竿

上擲身難追呼故舊連宵飲直到天明興未闌

訓樂天醉後狂吟十韻

來章有移家  
惟醉和之句

散誕人間樂逍遙地上仙詩家登逸品釋氏悟真

詮制誥畱臺閣歌詞入管絃處身於木雁任世變

桑田吏隱情兼遂儒玄道兩全八關齋適罷三雅

興尤偏文墨中年舊松筠晚歲堅魚書曾替代香

火有因緣

陸法和云與梁元帝於空  
王寺佛前訂香火因緣

欲向醉鄉去

尤為色界牽好吹楊柳曲為我舞金鈿

謝牛相公獨飲偶醉寓言見示

宮漏夜丁丁千門閉霜月華堂列紅燭絲管靜中  
發歌眉低有思舞體輕無骨主人啓醅顏酣暢淡  
映樾猶思城外客阡陌不可越春意日夕深此歡  
無斷絕

和僕射牛相公春日閒坐見懷品

官曹崇重難頻入第宅清閒且獨行階蟻相逢如  
偶語園蜂速去恐違程人於紅藥惟看色鶯到垂  
楊不惜聲東洛池臺怨拋擲移文非久會應成

牛相公見示新什謹依本韻次用以抒下情

劇韻新篇至因難始有能雨天龍變化晴日鳳騫  
騰遊海驚何極聞韶素不曾愜心時拊髀擊節日  
麾肱符彩添俞墨波瀾起剡藤揀金光熠熠累壁  
勢層層珠媚多藏賈花撩欲定僧封來真寶物寄  
與媿文朋已老無時疾時洛中多疫癘長貧望歲登雀羅  
秋寂寂蟲翅曉薨薨羸驥方辭絆虛舟已絕組榮  
華甘死別健羨亦生憎玉柱瑤琤韻金觥凹凸稜  
何時良宴會促膝對華燈

秋霖卽事聯句三十韻

蕭索窮秋月蒼茫苦雨天泄雲生棟上行潦入庭

前居易送  
上僕射苔色侵三徑波聲想五絃井蛙爭入戶

轍鮒亂歸泉起送  
上中丞  
大監高雷愁晨坐空堦警夜眠

鶴鳴猶未已蟻穴亦頻遷禹錫  
送土少  
傅侍郎散漫疎還密

空濛斷復連竹霑青玉潤荷滴白珠圓居易地濕

灰蛾滅池添水馬憐有苗霑霖霖無月弄潺湲起

籬菊潛開秀園蔬已罷鮮斷行隨雁翅孤嘯聳鳶

肩禹錫橋柱黏黃菌墻衣點綠錢草荒行藥路沙

泛釣漁船居易長者車猶阻高人榻且懸此思劉  
台之來

也金烏何日見玉爵幾時傳起近井桐先落當簷

石欲穿趨風誠有戀披霧邈無緣禹錫以答  
懸懸之召廩米

陳生醜庖薪濕起煙鳴雞潛報曉急景暗彫年居

易蓋灑高松上絲繁細柳邊拂叢時起蝶墮葉乍

驚蟬起巾角皆爭墊裙裾別似湔人多蒙翠被馬

盡着連乾禹錫好客無來者貧家但悄然濕泥印

鶴跡漏壁絡蝸涎蚊聚雷侵室鷗翻浪滿川上樓

愁幕幕遶舍厭濺濺起律候今秋矣歡娛久曠焉



但令高興在晴後奉周旋禹錫

喜晴聯句

苦雨晴何喜喜多於雨時氣收雲物變聲樂鳥鳥

知居易送  
上僕射蕙泛光風圃蘭開皎月池千峰分遠近

九陌好追隨起送上  
尚書白日開天路玄陰卷地維餘

清在林薄新照入漣漪禹錫碧樹涼先落青蕪濕

更滋曬毛經浴鶴曳尾出泥龜居易舞去商羊速

飛來野馬遲柱邊無潤礎臺上有游絲起橋淨行

塵息堤長禁柳垂宮城開睥睨觀闕麗呆息禹錫

洛水澄清鎮嵩煙展翠帷梁成虹乍見市散蜃初

移居易藉草風猶暖攀條露已晞屋穿添碧瓦墻

缺召金鉞起迴徹來雙目昏煩去四支霞文晚煥

爛星影夕參差禹錫爽助門庭肅寒摧草木衰黃

乾向陽菊紅洗得霜梨居易假蓋閒誰惜彈絃燥

更悲散蹄良馬穩炙背野人宜起洞戶晨暉入空

庭宿霧披推林出書目傾筥上衣施禹錫道路行

非阻軒車望可期無辭訪圭竇且願見瓊枝居易

山閣蓬萊客古以秘書  
喻蓬萊儲宮羽翼師此言  
少傳每優陪

麗句何暇覲英姿起以酬圭翫景方搔首懷人尚

斂眉因吟仲文什高興盡於斯禹錫

會昌春連宴即事

元年寒食日上巳暮春天雞黍三家會鶯花二節

連居易光風初淡蕩美景漸暄妍簪組蘭亭上車

輿曲水邊禹錫松聲添奏樂草色助鋪筵雀舫宜

閒泛螺杯任漫傳起園蔬香帶露厨柳暗藏煙麗

句輕珠玉清談勝管絃居易陌喧金距鬪樹動綵

繩懸姹女妝梳艷遊童衣服鮮禹錫圃香知種蕙

池暖憶開蓮惟石雲疑觸天桃火欲燃起正歡唯

恐散雖醉未思眠嘯傲人間世追隨地上仙居易

燕來雙涎涎雁去累翩翩行樂真吾事尋芳獨我

先禹錫滯周慙太史太史公留滯周南入洛繼先

賢此言劉白聲價昔恨多分手今歡謬比肩起病

猶陪讌飲老更奉周旋望重青雲客情深白首年

居易遍嘗珍饌後許入畫堂前舞袖翻紅炬歌鬟

插寶蟬禹錫斷金多感激倚玉貴遷延說史吞顏

注論詩笑鄭箋起松筠寒不變膠漆冷彌堅興伴

王尋戴謂隨僕射榮同隗在燕居易自謂擲盧誇使氣

刻燭鬪成篇實藝皆三捷虛名愧六聯禹錫興闌

猶舉白話靜每思玄更說歸時好亭亭月正圓起

僕射來示有三春向晚四者難并之說誠哉

是言輒引起題重為聯句疲兵再戰勅敵

難降下筆之時驟然自哂走呈僕射兼簡

尚書

三春今向晚四者昔難并借問低眉坐何如攜手

行居易舊遊多過隙新宴且尋盟鸚鵡林須樂麒麟

閣未成起分陰當愛惜遲景好逢迎林野薰風

起樓臺穀雨晴禹錫墻低山半出池廣水初平橋

轉長虹曲舟回小鷁輕居易殘花猶布繡密竹自

聞笙欲過芳菲節難忘宴慰情起月輪行似箭時

物始如傾見雁隨兄去聽鶯來友聲禹錫蕙長書

帶展菰嫩剪刀生坐密衣裳暖堂虛絲管清居易

峰巒侵碧落草木近朱明與點非沂水陪膺是洛

城白嘗為三川守故云起撥醅爭綠醕臥酪待朱櫻幾處能

留客何人喚解醒禹錫舊儀尊右相新命寵春卿

有喜鵲頻語無機鷗不驚居易青林思小隱白雪

仰芳名訪舊殊千里登高賴九城起鄧侯司管鑰

疎傳傲簪纓綸綍曾同掌煙霄即上征禹錫冊庭

嘗接武書殿忝連衡蘭室春彌馥松心晚更貞居易

琴招翠羽下鈎掣紫鱗呈只願回鳥景誰能避兕

觥居易方知醉兀兀應是走營營鳳閣鸞臺路從

他年少爭居易更呈二公

跌然樂天是月長齋鄙夫此時愁臥里閭非遠雲

霧難披因以寄懷遂為聯句所期解悶焉

敢驚禪

五月長齋月文心苦行心蘭蔥不入戶簷葡萄自成

林夢得護戒先辭酒嫌喧亦徹琴塵埃窟位靜香

火道場深樂天我靜馴狂象餐餘施衆禽定知於

佛佞豈復向書淫夢得欄藥凋紅艷庭槐換綠陰

風光徒滿目雲霧未披襟樂天樹為清涼倚池因

盥漱臨蘋芳遭燕拂蓮圻待蜂尋夢得舍下環流

水窓中列遠岑苔斑錢剝落石怪玉欽岑樂天鵲

頂迎秋禿鶯喉入夏瘖綠楊垂嫩色緹棘露長針

夢得 散秩身猶幸趨朝力不任官將方共拙年與

病交侵 樂天 狗樂非時選忘機似陸沉鑿容稱四

皓捫腹有三壬 夢得 攜手慚連璧同心許斷金紫

芝雖繼唱 前後各在賓客 白雪少知音 樂天 憶罷吳門守

相逢楚水潯舟中頻曲宴夜後各加斟 夢得 濁酒

銷殘漏絃聲間遠砧醪顏舞長袖密坐接華簪 樂天

天持論峰巒峻戰文矛戟森笑言誠莫逆造次必

相箴 夢得 往事應如昨餘歡迄至今迎君常倒屣

訪我輒攜衾 樂天 陰魄初離畢 將有雨 陽光正在參

五月 待公休一食縱飲共狂吟 夢得

和武中丞秋日寄懷簡諸僚故

退朝還公府騎吹息繁音吏散秋庭寂鳥啼煙樹

深威生奉白簡道勝外華簪風物清遠日功名懷

寸陰雲衢念前侶綵翰寫冲襟涼菊照幽院敗荷

攢碧潯感時江海思報國松筠心空愧壽陵步芳

塵何處尋

訓元九侍御贈壁州鞭長句

碧玉孤根生上林美人相贈比雙金初開郢客緘

封後想見巴山米雪深多節本懷端直性露青猶  
有歲寒心何時策馬同歸去關樹扶疎敲鐙吟

和李六侍御文宣王廟釋奠作

歎息魯先師生逢周室卑有心律天道無位救陵  
夷歷聘不能用領徒空爾爲儒風正禮樂易象入  
著龜西狩非其應中都安足施世衰由我賤泣下  
爲人悲遺教光文德典王叶夢期土田封後胤冕  
服飾虛儀鐘鼓膠庠薦牲牢郡邑祠聞君喟然歎  
偏在上丁時

韓十八侍御見示岳陽樓別竇司直詩因令  
屬和重以自述故足成六十二韻

楚江何蒼然層瀾七百里孤城寄遠目一瀉無窮  
已蕩漾浮天蓋四環宜地理積漲在三沙混成非  
一水冬遊見清淺春望多洲沚雲錦遠沙明風烟  
青草靡火星忽南見月硤方東迤雪波西山來隱  
若長城起獨專朝宗路駛悍不可止支川讓其威  
蓄繙至南委熊武走蠻落熊武二溪名瀟湘來與鄙炎  
蒸動泉源積潦搜山趾歸往無旦夕包含通遠邇

行當白露時眇視秋光裏曙色未昭晰露華遙斐  
 豐浩耳神骨清如觀混元始北風忽震盪驚浪迷  
 津涖怒激鼓鏗旬蹙成山歸碗鴟鵬疑變化罔象  
 何恢詭噓吸寫樓臺騰驤露鬣尾景移羣動息波  
 靜繁音弭明月出中央青天絕纖滓素光淡無際  
 綠靜平如砥空影渡鷓鴣秋聲思蘆葦鮫人弄機  
 杼貝闕駢紅紫珠蛤吐玲瓏文鯨翔旖旎水鄉吳  
 蜀限地勢東南庠軫翼粲垂精衡巫屹環峙名雄  
 七澤藪國辨三苗氏唐羿斷脩蛇荆王憚下逆青

兕秦狩跡猶在虞巡路從此軒后奏宮商騷人詠

蘭芷茅嶺潛相應橘洲傍可指郭璞驗幽經羅合

著前紀觀律戚里族按道侯家子聯袂登高樓臨

軒笑相視假守亦高臥竇特權領郡事墨曹正垂耳韓亦量移

江陵法曹契濶話涼溫壺觴慰遷徙地偏山水秀客重

杯盤侈紅袖花欲然銀燈晝相似興舍更抵掌樂

極同啓齒筆鋒不能休藻思一何綺伊余負微尚

夙昔慚知己出入金馬門交結青雲士襲芳踐蘭

室學古遊槐市策慕宋前軍文師漢中壘陋容昧

俯仰孤志無依倚  
 衛足不如葵漏川  
 空歎蟻幸逢萬物  
 泰獨處窮途否  
 鍛翮重疊傷  
 兢魂再三褫  
 遽爰亦屢化左丘  
 猶有耻桃源訪  
 仙宮薜服祠山鬼  
 故人南臺舊一別  
 如弦矢今朝會荆  
 蠻斗酒相宴喜危  
 途出新什笑忭隨  
 伸紙擘若觀五色  
 歡然臻四美委曲  
 風濤事分明窮達  
 旨洪韻發華鐘  
 婁音激清徵羊濬  
 要平聲共和江淹  
 多雜擬徒欲仰高  
 山焉能追逸軌  
 湘州路四達巴陵  
 城百雉何必顏光  
 祿畱詩張內史

寄楊八拾遺

時出為國子主簿分司東都之十八員外亦轉國子博士同在

洛陽

聞君前日獨庭爭  
 漢帝偏知白馬生  
 忽領簿書遊太學  
 寧勞侍從厭承明  
 洛陽本自宜才子  
 海內而今有直聲  
 為謝同寮老博士  
 范雲來歲即公卿  
 南海馬大夫見惠  
 著述三通勒成四  
 秩上自邃古達于  
 國朝采其菁華至  
 簡如富欽受嘉貺  
 詩以謝之

紅旗閱五兵  
 絳帳領諸生  
 味道輕鼎食  
 退公猶筆



耕清箱傳學遠金匱納書成一瞬見前事九流當  
抗行編蒲曾苦思垂竹媿無名今日承芳訊誰言  
贈袞榮

南海馬大夫遠示著述兼謝拙詩輒著微誠  
再行編蒲曾苦思垂竹媿無名今日承芳訊誰言

漢家旄節付雄才百越南溟統外臺身在絳紗傳  
六藝腰懸青綬亞三台連天浪靜長鯨息映日帆  
多寶舶來聞道楚氛猶未滅終須旌旆掃雲雷

和郴州楊侍郎翫郡齋紫薇花十四韻

幾年丹霄上出入金華省  
鬢別萬年枝看花桂陽  
嶺南方足奇樹公府成佳境  
綠陰交廣除明艷透  
蕭屏雨餘人吏散燕語簾櫳靜  
懿此含曉芳翛然  
忘簿領紫茸誰組縷金樓攢鋒  
穎露溽暗傳香風  
輕徐就影苒弱多意思  
從容占光景得地在侯家  
移根近仙井開罇好疑睇  
倚瑟仍回頭遊蜂駐綵  
冠舞鶴迷煙頂興生紅藥後  
愛與甘棠並不學天  
桃姿浮榮在俄頃

和南海馬大夫聞楊侍郎出守郴州因有寄

止之作

忽驚金印駕朱轡遂別鳴珂聽曉猿碧落仙來雖  
 暫謫赤泉侯在是深恩玉環慶遠瞻台坐銅柱勳  
 高壓海門一詠瓊瑤百憂散不勞更樹北堂萱  
 奉和鄭相公以考功十弟山薑花俯賜篇詠  
 採擷黃薑葢封題青瑣闈共聞調膳日正是退朝  
 歸響為繼筵發情隨綠翰飛故將天下寶萬里與  
 光輝

馬大夫見示浙西王侍御贈答詩因命同作

大夫榮踐舊府又歷交趾桂林南人歌之  
 列在風什王侍御公易一別歲除寄末篇  
 以代  
 札

憶逐羊車凡幾時今來舊府統成師象筵照室會  
 詞客銅鼓臨軒舞海夷百越酋豪稱故吏十洲風  
 景助新詩秣陵從事何年別一見瓊章如素期  
 訓馬大夫以愚獻通菱葵酒感通拔二字因  
 而寄別之作

泥沙難振拔誰復問窮通莫訝提壺贈家傳枕麴  
 風成謠獨酌後深意片言中不進終無已應須荀

令公

寄唐州楊八歸厚

淮安古地雍州師畫角金鏡旦夕吹淺草遙迎驢

驢馬春風亂颭辟邪旗謫仙年月今應滿蔥諫聲

名衆所知何況遷喬舊同伴一雙先入鳳凰池時徐

晦楊嗣復二舍人與唐州同年及第

春日寄楊八唐州

漠漠淮上春莠苗生故壘梨花方城路荻笋蕭陂

水高齋有謫仙坐嘯清風起

寄郎州溫右史曹長

暫別瑤墀鴛鴦行綵旗雙引到沅湘城邊流水桃

花過簾外春風杜若香史筆枉將書紙尾朝纓不

稱濯滄浪雲臺公業家聲在徵詔何時出建章

和東川王相公新漲驛池八韻

今日池塘上初移造物權苞藏成別島沿濁致清

漣變化生言下蓬瀛落眼前泛觴驚翠羽開幕對

紅蓮遠寫風光入明含氣象全渚煙籠驛樹波日

漾賓筵曲岸留緹騎中流轉綵船無因接元禮共

載比神仙  
訓楊司業巨源見寄  
辟雍流水近靈臺  
中有詩篇絕世才  
渤海歸人將  
集去梨園弟子請  
詞來瓊枝未識魂  
空斷寶匣初  
臨手自開  
莫道專城管雲雨  
其如心似不燃灰

訓國子崔博士立之見寄

健筆高科早絕倫  
後來無不揖芳塵  
遍看今日乘  
軒客多是昔年呈  
卷人  
胄子執經瞻講座  
郎官共食接華裯  
感君遠寄相思曲  
慰問天南一逐臣

訓馮十七舍人宿衛贈別五韻

少年為別日隋宮  
楊柳陰白首相逢處  
巴江煙浪深  
使星三蜀酒春雨  
霑衣襟  
王程促速意夜語  
致版勤却歸天上去  
遺我雲間音

唐侍郎寄遊道林嶽麓二寺詩并沈中丞姚

員外所和見徵繼作

湘西古剎雙蹲蹲  
羣峰朝拱如駿奔  
青松步障深  
五里龍宮黯黯神  
為闡高殿呀然壓  
蒼巘  
俯瞰長江疑欲吞  
橋洲泛浮金  
實動水郭繚繞朱  
樓騫語

餘百響入天籟衆奇引步輕翩翩泉清石布似棋  
子蘿密鳥韻如簧言迴廊架險高且曲新徑穿林  
明復昏淺流忽濁山獸過古木半空天火痕星使  
雙飛出禁垣元侯餞之遊石門紫髯翼從紅袖舞  
竹風松雪香溫磨遠持青瑣照巫峽一憂驚斷三  
聲猿靈山會中身不預吟想峭絕愁精魂恨無黃  
金千萬餅布地買取爲丘園

張郎中籍遠寄長句開緘之日已及新秋因

舉目前仰酬高韻

南宮詞客寄新篇清似湘靈促柱絃京邑舊遊勞  
夢想歷陽秋色正澄鮮雲銜日脚成山雨風駕潮  
頭入渚田對此獨吟還獨酌知音不見思蒼然

謝湖州崔郎中見寄

風箏吟秋空不肖指爪聲高人靈府間律呂伴咸  
英昔年與兄遊文似馬長卿今來寄新詩乃類陶  
淵明磨礮老益智吟詠閒彌精豈非山水鄉蕩漾  
神機清渚煙蕙蘭動溪雨虹蜺生馮君虛上舍待  
余乘興行

訓楊八庶子喜韓吳興與余同遷見贈依本韻次用

早遇聖明朝雁行登九霄吳興與余中外兄弟文輕傳武仲

酒逼蓋寬饒捨矢同瞻鵠當筵共賽梟吳興與余同年判入

等第琢磨三益重唱和五音調臺栢煙常起池荷香

暗飄吳興與余同為御臺門外有蓮池也星文辭北極旗影度東遼

吳興自度支郎中出為行軍司馬所從即范僕射昔范明友為度遠將軍直道由來黜

浮名豈敢要三湘與百越雨散又雲搖遠守慙侯

籍徵還荷詔條顏容唯舌在別恨幾魂銷滿眼悲

陳事逢人少舊僚煙霞為老伴蒲柳任先凋虎綬

懸新印龍柳理去橈斷腸天北郡攜手洛陽橋幢

蓋今雖貴弓旌會見招其如草玄客空宇久寥寥

秋日書懷寄河南王尹

公府想無事西池秋水清去年為狎客永日奉高

情況有臺上月如聞雲外笙不知桑落酒今歲與

誰傾

浙東元相公書歎梅雨鬱蒸之候因寄七言

稽山自與岐山別何事連年鶯鶯飛百辟商量舊

相入九天祗候老臣歸平湖晚泛窺清鏡高閣晨

開掃翠微今日看書最惆悵爲聞梅雨損朝衣  
山訓嚴給事賀加五品兼簡同制水部李郎中  
九天雨露傳青詔入舍郎官換綠衣初佩銀魚隨  
仗入宜尋白馬退朝歸雕盤賀喜開瑤席綵筆題  
詩出瑣闈聞道水曹偏得意霞朝霧夕有光輝

裴相公大學士見示答張秘書謝馬詩并羣

公屬和因命追作

草玄門戶少塵埃丞相并州寄馬來初自塞垣銜  
首宿忽行幽徑破莓苔尋花緩轡威遲去帶酒垂

鞭蹶蹶回不與王侯與詞客知輕富貴重清才

奉和司空裴相公中書卽事通簡舊僚之作

談笑在巖廊人人盡所長儀形見山立文字動星  
光日運丹青筆時看赤白囊佇聞戎馬息入賀領  
駕行

微之鎮武昌中路見寄藍橋懷舊之作悽然

繼和兼寄安平

今日油幢引他年黃紙追同爲三楚客獨有九霄  
期宿草恨長在傷禽飛尚遲武昌應已到新柳映

紅旗

奉和裴侍中將赴漢南留別座上諸公

金貂曉出鳳池頭  
玉節前臨南雍州  
暫輟洪鑪觀劍戟  
還將大筆注春秋  
管絃席上留高韻  
山水途中入勝遊  
峴首風煙看未足  
便應重拜富人侯

和兵部鄭侍郎省中四松詩十韻

松是中書相公任侍

郎手栽

右相歷中臺移松武庫  
栽紫茸抽組綬青實長  
玫瑰便有干霄勢  
看成構厦材  
數分天柱半影逐日

輪回舊賞台階去  
新知谷口來  
息陰常仰望  
翫境幾徘徊  
翠粒晴懸露  
蒼鱗雨起苔  
凝音助瑤瑟  
飄藥泛金壘  
月桂花遙燭  
星榆半對開  
終須似雞樹  
榮茂近昭回

和蘇郎中尋豐安里舊居寄主客張郎中

漳濱臥起恣閒遊  
宣室徵還未白頭  
舊隱來尋通德里  
新篇寫出畔牢愁  
池看科斗成文字  
鳥聽提壺憶獻酬  
同學同年又同舍  
許君雲路並華輶  
將赴蘇州途出洛陽  
留守李相公累申宴餞



泚寵行話舊形於篇章謹抒下情以申仰謝  
歲杪風物動雪餘宮苑晴兔園賓客至金谷管絃  
聲洛水故人別吳宮新燕迎越郎憂不淺懷袖有  
瓊英

訓淮南牛相公述舊見貽管主客

少年曾忝漢庭臣老歲空餘晚病身初見相如成  
賦日尋為丞相掃門人追思往事咨嗟久喜奉清  
光笑語頻猶有登朝舊冠冕待公三入拂埃塵

訓鄭州權舍人見寄十二韻

朱戶凌晨啓碧梧舍早涼人從桔槔至書到漆沮

傍林會因佳句情深取斷章愜心同笑語入耳勝

笙簧憶昔三條路居隣數仞墻舍人舊宅光福時忝東隣學堂

青玉案綵服紫羅囊麟角看成就龍駒見抑揚

中飛一箭雲際落雙鶴舍人一舉登科又判入等第甸邑叨前

列天臺媿後行鄙人為渭南主簿十年舍人方尉其邑及罹譴謫重入南宮禮部郎

中舍人方在考功員外鯉庭傳事業雞樹遂翱翔書殿連鵠

鵲神池接鳳皇追遊蒙尚齒惠好結中腸鄙人在集賢與

西掖接近微翻方擡舉危根易損傷一麾憐棄置

五字借恩光鄱人出牧姑蘇舍人草制汝海崆峒秀溱流芍藥

芳風能行偃草境靜不爭桑鄱人轉臨汝舍人守榮陽轉旆趨

關右頒條匝渭陽病吟猶有思老醉已無狂塵滿

鴻溝道沙驚白狄鄉佇聞黃紙詔促召紫微郎

中丞訓留守牛相公宮城早秋寓言見寄

曉月映宮樹秋光起天津涼風稍動葉宿露未生

塵景氣尚芳麗曠望感心神揮毫成逸韻開閣遲

來賓擺去將相印漸為逍遙身如招後房宴却要

白頭人

牛相公留守見示城外新墅有溪竹秋月親

情多往宿遊恨不得去因成四韻兼簡洛

中親故之什兼命同作

別墅洛城外月明村墅通光輝滿地上絲管發舟

中堤艷菊花露島涼松葉風高情限清禁寒漏滴

深宮

和僕射牛相公追感韋裴六相登庸皆四十

餘未五十薨歿豈早榮早枯之義今年將

六十猶粗強健因親故勸酒率然成篇并

見寄之作

坐鎮清朝獨殷然  
間徵故事數前賢  
掄才同踐鈞衡地  
稟氣終分大小年  
威鳳本池思泛沔  
仙槎舊路望回旋  
猶憐綺季深山裏  
唯有松風與石田

和僕射牛相公以離闕庭七年班行親故亡

歿十無一人再覩龍顏喜慶雖極感歎風  
燭能不愴然因成四韻并示集賢中書二

相公所和

久辭龍闕擁紅旗  
喜見天顏拜赤墀  
三省英寮非

舊侶萬年芳樹長  
新枝交朋接武居  
仙院幕客追風入  
鳳池雲母屏風  
卽施設可憐榮耀冠當時

和僕射牛相公見示長句

靜得天和興自濃  
不緣宦達性靈慵  
大鵬六月有閒意  
仙鶴千年無躁容  
流輩盡來多歎息  
官班高後少過從  
唯應加築露臺上  
賸見終南雲外峰

和牛相公雨後寓懷見寄

金火交爭正抑揚  
蕭蕭飛雨助清商  
曉看紈扇恩情薄  
夜覺紗燈刻數長  
樹上早蟬纔發響  
庭中百

草已無光當年富貴亦惆悵何況悲翁髮似霜

牛相公林亭雨後偶成

飛雨過池閣浮光生草樹新竹開粉奩初蓮蕤香  
注野花無時節水鳥自來去若問知境人人間第  
一處

和牛相公題姑蘇所寄太湖石兼寄李蘇州

震澤生奇石沉潛得地靈初辭水府出猶帶龍宮  
腥發自江湖國來榮卿相庭從風夏雲勢上漢古  
槎形拂拭魚鱗見鏗鏘玉韻聆煙波含宿潤苔蘚

助新青嵌穴胡雛貌纖鉉蟲篆銘屏顏傲林薄飛  
動向雷霆煩熱近還散餘醒見便醒凡禽不敢息  
浮塏莫能停靜稱垂松蓋鮮宜映鶴翎忘憂常目  
擊素尚與心冥眇小欺湘燕團圓笑落星徒然想  
融結安可測年齡採取詢鄉叟搜求按舊經垂鈎  
入空隙隔浪動晶熒有獲人爭賀歡謠衆共聽  
州驚閱寶千里遠揚舲覩物洛陽陌懷人吳御亭  
寄言垂天翼早晚起滄溟

和陳許王尚書酬白少傅侍郎長句因通簡

汝洛舊遊之什

寥廓高翔不可追  
風雲失路暫相隨  
方同洛下書生詠  
又見軍前大將旗  
雪裏命賓開玉帳  
飲中請號駐金卮  
竹林一自王戎去  
嵇阮雖貧興未衰

和僕射牛相公寓言二首

兩度竿頭立定誇  
回眸舉袖拂青霞  
盡拋今日貴人樣  
復振前朝名相家  
御史定來休直宿  
尚書依舊趁參衙  
具瞻尊重誠無敵  
猶憶洛陽千樹花  
心如止水鑒常明  
見盡人間萬物情  
鵬鶚騰空猶

逞俊驕  
齒足自無驚  
時來未覺權為祟  
貴了方知退是榮  
只恐重重世緣在  
事須三度副蒼生

和牛相公南溪醉歌見寄

脫屣將相守冲謙  
唯於山水獨不廉  
枕伊背洛得勝地  
鳴臯少室來軒簷  
相形面勢默指畫  
言下變化隨  
顧瞻清池曲榭人  
所致野趣幽芳天  
與添有時轉入潭  
島間珍木如幄藤  
為簾忽然便有江湖思  
沙礫平淺草纖纖  
恠石釣出大湖底  
珠樹移自天台尖  
崇蘭迎風綠泛艷  
坻蓮含露紅濺檐  
脩廊

架空遠岫入弱柳覆檻流波霑渚蒲抽芽劍脊動  
岸荻迸笋錐頭銛攜觴命侶極永日此會雖數心  
無厭人皆置莊身不到富貴難與逍遙兼唯君出  
處得自在決就放曠辭炎炎座賓盡歡恣談謔愧  
我掉頭還奮髯能令商於多病客亦覺自適非沉  
潛

訓太原狄尚書見寄

家聲烜赫冠前賢時望穹崇鎮北邊身上官銜如  
座主幕中談笑取同年幽并俠少趨鞭弭燕趙佳  
人奉管絃仍把天兵書號筆遠題長句寄山川

訓宣州崔大夫見寄

白衣曾拜漢尚書今日恩光到敝廬再入龍樓稱  
綺季應緣狗監說相如中郎南鎮權方重內史高  
齋興有餘遙想敬亭春欲暮百花飛盡柳花初

訓皇甫十少尹暮秋久雨喜晴有懷見示

雨餘獨坐卷簾帷便得詩人喜霽詩搖落從來長  
年感慘舒偏是病身知掃開雲霧呈光景流盡潢  
汙見路岐何況菊香新酒熟神州司馬好狂時

和浙西李大夫霜夜對月聽小童吹觱篥歌

依本韻

海門雙青暮烟歇萬頃金波湧明月侯家小兒能  
觱篥對此清光天性發長江疑練樹無風瀏慄一  
聲霄漢中涵胡畫角怨邊草蕭瑟清蟬吟野叢沖  
融頓挫心使指雄吼如風轉如水思婦多情珠淚  
垂仙禽欲舞雙翅起郡人寂聽衣滿霜江城月斜  
樓影長纔驚指下繁韻息已見樹杪明星光謝公  
高齋吟激楚戀闕心同在羈旅一奏荆人白雪歌  
如聞雜客扶風鴈吳門水驛接山陰文字殷勤寄  
意深欲識陽陶能絕處少年榮貴道傷心

浙西李大夫述夢四十韻并浙東元相公訓

和斐然繼聲

位是才能取時因際會遭羽儀呈鸞鷲銜刃試豪  
曹洛下推年少山東許地高門承金鉉鼎家有玉  
璜韜呂仍海浪扶鵬翅天風引驥髦便知蓬閣闕  
不識魯衣褒興發春塘草魂交益部刀形開猶抱  
膝燭盡遽揮毫昔仕當初筮逢時詠載橐懷鉛辨

蟲蠹染素學鵝毛車騎方休汝歸來欲效陶大夫罷太

原從事南臺資譽諤內署選風騷羽化如乘鯉樓

居舊冠鼇美香焚濕麝名果賜乾荀議赦蠅棲筆

邀歌蟻泛醪代言無所戲謝表自稱叨蘭焰凝芳

澤芝泥瑩玉膏對頻聲價出直久夢魂芳草詔令

歸馬批章答獻螯幽冀歸閣兩戎乞銀花懸院榜

翠羽映簾條諷諫欣然納奇觚率爾操禁中時諤

諤天下免怵怵右顧龜成印雙飛鵠織袍謝賓緣

地密潔已是心豪五日思歸沐三春羨衆邀茶爐

依綠筍棊局就紅桃溟海桑潛變陰陽炭暗熬仙

成脫屣去臣戀捧弓號建節辭烏栢宣風看鷺濤

土山京口峻鐵瓮郡城牢舊說潤州城如鐵瓮曲

島花千樹官池水一篙鶯來和絲管雁起拂麾旄

宛轉傾羅扇回旋墮玉搔罰籌長豎燾觥盞樣如

舳山是千重障江為四面濠臥龍曾得雨浙東孤

鶴尚鳴臯浙西劍用雄開匣二公弓閒螫受攷自謂

鳳姿嘗在竹二公鸚羽不離蒿自謂吳越分雙鎮

東西接萬艘今朝比潘陸江海更滔滔



和浙西李大夫晚下北固山喜徑松成陰悵  
然懷古偶題臨江亭并浙東元相公所和

依本韻

一辭溫室樹幾見武昌柳荀謝年何少韋平望已  
久種松夾石道紆組臨沙阜目覽帝王州心存股  
肱守葉動驚絲翰波澄見頰首晉宋齊梁都千山  
萬江口煙散隋宮出濤來海門吼風俗太伯餘衣  
冠永嘉後江長天作限山固壤無朽自古稱佳麗  
非賢誰奄有八元邦族盛萬石門風厚天柱揭東  
溟文星照北斗高亭一騁望舉酒共為壽因賦詠  
懷詩遠寄同心友禁中晨夜宜江左東西偶將手  
握兵符儒腰盤貴綬頌條風有自立事言無苟農  
野聞讓耕軍人不使酒用材當構厦知道寧窺牖  
誰為青雲高鵬飛終背負

和浙西李大夫伊川卜居

早入八元數嘗承三接恩飛鳴天上路鎮壓海西  
門清望寰中許高情物外存時來誠不讓歸去每  
形言洛下思招隱江干厭作藩按經修道具依樣

買山村 馬葛堂為御史大夫昔置宅命畫工圖其狀戒所使曰依此樣求之 開鑿隨

人化幽陰為律暄遠移難得樹立變舊荒園絕塞

通潛徑平泉占上原煙霞遙在想簿領益為繁丹

禁虛東閣蒼生望北轅徒令雙白鶴五里自翩翩

訓滑州李尚書秋日見寄

一入石渠署三聞宮樹蟬丹青未得路白髮又添

年雙節外臺貴洞簫中禁傳徵黃在旦夕早晚發

南燕

吐綬鳥詞 并序

滑州牧尚書李公以吐綬鳥詞見示兼命繼聲

蓋尚書前為御史時所作有翰林二學士同賦

之今所謂追和也鳥之所異具于首篇

越山有鳥翔寥廓嗟中天綬光若若越人偶見而

奇之因名吐綬江南知四明天姥神仙地朱鳥星

精鍾異氣赤玉彫成彪炳毛紅綃剪出玲瓏翅湖

煙始開山日高迎風吐綬盤花條臨波似染瑯琊

草映葉疑開阿母桃花紅草綠人間事未若靈禽

自然貴鶴吐明珠斲報恩鵲銜金印空為瑞春和

秋霽野花開翫景尋芳處處來翠幕雕籠非所慕  
珠丸柘彈莫相猜樓月啼煙凌縹緲高林先見金  
霞曉三山仙路寄遙情刷羽揚翹欲上征不學碧  
雞依井絡願隨青鳥向層城太液池中有黃鵠憐  
君長在花枝宿如何一借羊角風來聽簫韶九成  
曲

和西川李尚書漢州微月遊房太尉西湖

木落漢川夜西湖懸玉鈞旌旗環水次舟楫泛中  
流目極想前事神交如共遊瑤琴久已絕松韻自

悲秋

和重題

林端落照盡湖上遠風清水榭芝蘭室仙舟魚鳥  
情人琴久寂寞煙月若平生一泛釣璜處再吟鏘  
玉聲

訓李相公喜歸鄉國自鞏縣夜泛洛水見寄  
葦樹煙月上清光含碧流且無三巴色猶泛五湖  
舟鵬息風還起鳳歸林正秋雖攀小山桂此地不  
淹留

和李相公平泉潭上喜見初月

家山見初月林壑悄無塵幽境此何夕清光如爲  
人潭空破鏡入風動翠蛾嚙會向瑣窓望追思伊  
洛濱

和李相公初歸平泉過龍門南嶺遙望山居

卽事

暫別明庭去初隨優詔還曾爲鵬鳥賦喜過鑿龍  
山新墅煙火起野程泉石間巖廊人望在只得片  
時間

和李相公以平泉新墅獲方外之名因爲詩

以報洛中士君子兼見寄之什

業繼韋平後家依崑閩間恩榮辭北第瀟灑愛東  
山滿室圖書在入門松菊閒華天雖暫息一舉出  
人寰

懷妓四首

玉釵重合兩無緣魚在深潭鶴在天得意紫鸞休  
舞鏡能言青鳥罷銜牋金盆已覆難收水玉軫長  
拖不續絃若向靡蕪山下過遙將紅淚灑窮泉

鸞飛遠樹栖何處鳳得新巢想稱心紅壁尚留香  
漠漠碧雲初斷信沉沉情知點污投泥玉猶自經  
營買笑金從此山頭似人石丈夫形狀淚痕深  
人從何處更尋看雖是生離死一般買笑樹邊花  
已老畫眉牕下月猶殘雲藏巫峽音容斷路隔星  
橋過往難莫恠詩成無淚滴盡傾東海也須乾  
三山不見海沉沉豈有仙蹤更可尋青鳥去時雲  
路斷姮娥歸處月宮深紗窓遙想春相憶書幌誰  
憐夜獨吟料得夜來天上鏡只應偏照兩人心

省試風光草際浮

熙熙春景霽草綠春光麗的歷亂相鮮葳蕤互虧  
蔽乍疑芊綿裏稍動丰茸際影碎翻崇蘭浮香轉  
叢蕙含煙絢碧綵帶露如珠綴幸因採掇日况此  
臨芳歲

登蘇州後登虎丘寺望梅樓

宋本梅作海

獨宿望梅樓夜深珍木冷僧房已閉戶山月方出  
嶺碧池翻劒彩寶刹搖星影却憶郡齋中虛眠此  
時景

題報恩寺

雲外支硎寺名聲敵虎丘石文留馬跡峰勢聳牛頭泉眼潛通海松門預帶秋遲回好風景王謝昔曾遊

歷陽書事七十韻

長慶四年八月余自夔州轉歷陽浮岷山觀洞庭歷夏口涉潯陽而東文人崔敦詩罷丞相鎮宛陵緘書來招曰必我覲而之藩不十日飲不置子故余自池州道宛陵如其素敦詩出祖于

敬亭祠下由姑孰西渡江乃吾園也至則考圖

經參見事為之詩

一夕為湖地千年列郡名霸王迷路處亞父所封城漢置東南尉梁分肘腋兵本吳風俗剽兼楚語音倉沸井今無湧烏江舊有名土臺遊柱史石室

隱彭鏗老君適楚有臺在焉曹操祠猶在濡須塢

未平海潮隨月大江水應春生憶昨深山裏終朝看火耕魚書來北闕鷓首下南荆雲雨巫山暗蕙蘭湘水清章華事已失鄂渚草來迎廬

湓城粉堞明雁飛彭蠡暮鴉噪大雷晴平野分風  
使恬和趁夜程貴池登陸峻春穀渡橋鳴駱驛主  
人問悲歡故舊情幾年方一面卜晝便三更助喜  
杯盤盛忘機笑語旬管清疑警鶴絃巧似嬌鶯熾  
炭烘蹲獸華茵織鬪鯨回裾飄霧雨急節墮瓊英  
斂黛凝愁色舒鈿耀翠晶容華本南國妝束學西  
京日落方收鼓天寒更炙笙促筵交履舄痛飲倒  
簪纓謔浪容優孟嬌憐許智瓊蔽明添翠帟命燭  
柱金莖坐久羅衣皺杯傾粉面駢興來從請曲意  
墮卽飛觥令急重思改歡馮醉盡呈詰朝還選勝  
來日又尋盟道別殷勤惜邀筵次第爭唯聞嗟短  
景不復有餘醒衆散扃朱戶相攜話素誠晤言猶  
疊疊殘漏自丁丁出祖千夫擁行厨五熟烹離亭  
臨野水別思入哀箏接境人情洽方冬饌具精中  
流爲界道隔岸數飛甍沙浦王渾鎮滄州謝  
望夫人化石夢帝日環營半渡趨津吏綠堤簇郡  
毗塲黃堆晚稻籬碧見冬青里社爭來獻壺漿各  
自擎鴟夷傾底舄拒汝鬪成采石風傳柝新林

暮擊鉦繭綸牽撥刺犀焰照澄泓露冕觀原野前  
驅抗旆旌分庭展賓主望闕拜恩榮比屋惇婆輩  
連年水旱并遐思常後已下令必先庚遠岫底屏  
列支流曲帶縈湖魚香勝肉官酒重於飭憶昔泉  
源變斯須地軸傾雞籠爲石顛龜眼入泥坑事繫  
人風重官從物論輕江春俄澹蕩樓月幾虧盈柳  
長千絲宛田塍一線緝遊魚將婢從野雉見媒驚  
波淨攢鳧鵲洲香發杜蘅一鍾菰葑米千里水葵  
羹受譴時方久分憂政未成比瓊雖碌碌於鐵尚  
錚錚早忝曾三署曾聞奏六英無能甘負弩不慎  
在提衡口語成中邁毛衣阻上征時聞關利鈍智  
亦有聾盲昔媿山東妙今慙海內兄後來登甲乙  
早已在蓬瀛心托秦明鏡才非楚白珩齒衰親藥  
物宦薄傲公卿捧日皆元老宣風盡大彭好今朝  
集使結束赴新正

罷郡姑蘇北歸渡楊子津

幾歲悲南國今朝賦北征歸心渡江勇病體得秋  
輕海濶石門小城高粉堞明金山舊遊寺過岸聽



鐘聲

補遺

初至長安

時自外郡再授郎官

左遷九二紀重見帝城春老大歸朝客平安出嶺  
人每行經舊處却想似前身不改南山色其餘事  
事新

答東陽于令涵碧圖詩

東陽本是佳山水何況曾經沈隱侯化得邦人解  
吟咏如今縣令亦風流新開潭洞疑仙境遠寫丹  
青到雍州落在尋常畫師手猶能三伏凜生秋

有獺吟

有獺得嘉魚自謂天見憐先祭不敢食捧鱗望清  
玄人立寒沙上心專脰着肩魚翁以為妖舉塊投  
其前呼兒貫魚歸與獺同烹煎關關黃金鶚大翅  
搖江烟下見盈尋魚投身擘洪漣攫拏隱嶙去哺  
雛林嶽巔鴟鳥知伺隙遙探莫敢前長居青雲路  
彈射無由緣何地無江湖何水無鮪鱣天意不宰  
割菲祭徒虔虔空餘知禮重載在淹中篇

余次敷水驛伏觀華州舅氏昔日行縣題詩

處潛然有感

昔日股肱守木輪茲地遊繁華日已謝章句此空  
留蔓草佳城閉故枝棠樹秋今來重垂淚不忍過

西州

城西行

城西簇簇三叛族叛者為誰蔡吳蜀中使提刀出  
禁來九衢車馬轟如雷臨刑與酒杯未覆讐家白  
官先請肉守吏能然董卓臍飢烏來覘桓玄目城  
西人散泰街平雨洗血痕春草生

請告東歸發霸橋卻寄諸僚友

征途出霸埃回首傷如何故人雲雨散滿目山川  
多行車無停軌流景同迅波前歡漸成昔感歎益  
悲歌

虎丘寺路宴

青林虎丘寺林際翠微路立見山僧來遙從鳥飛  
處茲峰淪寶玉千載惟丘墓埋劍人空傳鑿山龍  
已去捫蘿披霧蒼路轉夕陰遽虎嘯崖谷寒猿鳴  
松杉暮徘徊北樓上江海窮一顧日映千里帆  
歸萬家樹斲因愜所適果得捐外慮庭暗棲還雲  
簷香滴甘露久迷空寂理多為聲華故永欲投此  
山餘生豈能誤

謝樂天聞新蟬見贈

碧樹鳴蟬後煙雲改容光瑟然引秋氣芳草日夜  
黃夾道喧古槐臨池思垂楊離人下憶淚忠士激  
剛腸昔聞阻山川今聽同匡牀人情便所遇音韻  
豈殊常因之比笙竽送我遊醉鄉

和樂天秋涼閒臥

暑退人體輕雨餘天色改荷珠貫索斷竹粉殘妝  
在高僧掃室請逸客登樓待槐柳漸蕭疎閒門少  
光彩

和竇中丞晚入容江作

漢郡三十六鬱林東南遙人倫選清臣天外頒詔  
條桂水步秋浪火山凌霧朝分圻辨風物入境聞  
謳謠莎岸見長亭煙林隔麗譙日落舟益駛川平  
旗自飄珠浦遠明滅金沙晴動搖一吟道中作離  
思懸層霄

春日寄楊八唐州

淮西春草長淮水逶迤光燕入新村路人耕舊戰  
場可憐行春守立馬看斜桑

題淳于髡墓

生為齊贅婿死作楚先賢應以客卿葬故臨官路  
邊寓言本多興放意能合權我有一石酒置君墳  
樹前

送河南皇甫少尹赴絳州

祖帳臨周道前旌指晉城午橋羣吏散亥市老人

迎詩酒同行樂分離始見情從茲洛陽社吟詠欠  
書生

答白刑部聞新蟬

蟬聲未發前已自感流年一入淒涼耳如聞斷續  
絃晴清依露葉晚急畏霞天何事秋卿詠逢時亦  
悄然

新秋對月寄樂天

月露發光彩此時方見秋夜涼金氣應天靜火星  
流蛩響偏依井螢飛直過樓相知盡白首清景復

追遊

松江送處州奚使君

吳越古今路滄波朝夕流從來別離地能使管絃  
愁江草帶煙暮海雲含雨秋知君五陵客不羨石  
門遊

題招隱寺

隱士遺塵在高僧精舍開地形臨渚斷江勢觸山  
迴楚野花多思南禽聲側哀殷勤最高頂閒却望  
鄉來

思歸寄山中友人

蕭條對秋色相憶在雲泉木落病身死潮平歸思  
懸涼鐘山頂寺暝火渡頭船此地非吾土淹留又  
一年

酬竇員外郡齋宴客偶命柘枝因見奇伎兼

呈張十一院長元九侍郎

分憂餘刃又從公白羽胡牀嘯詠中綵筆諭戎矜  
倚馬華堂留客看驚鴻渚宮油幕方高步灃浦甘  
棠有幾叢若問騷人何處所門臨寒水落江楓

謝竇員外旬休早涼見示詩

新秋十日澣朱衣鈴閣無聲公吏歸風韻漸高梧  
葉動露光初重槿花稀四時冉冉催容鬢三爵油  
油忘是非更報明朝池上酌人知太守字玄暉

酬浙東李侍郎越州春晚即事長句

越中藹藹繁華地秦望峰前禹穴西湖草初生邊  
雁去山花半謝杜鵑啼青油畫卷臨高閣紅旆晴  
翻繞古堤明日漢庭徵舊德老人爭出若耶溪

再授連州至衡陽酬柳柳州贈別

去國十年同赴召渡江千里又分岐重臨事異黃  
丞相三黜名慙柳士師歸目併隨回雁盡愁腸正  
遇斷猿時桂江東過連山下相望長吟有所思  
和樂天送鶴上裴相公別鶴之作

昨日看成送鶴詩高籠提出白雲司朱門乍入應  
迷路玉樹容棲莫揀枝雙舞庭中花落處數聲池  
上月明時三山碧海不歸去且向人間呈羽儀

巫山神女廟

巫山十二鬱蒼蒼片石亭亭號女郎曉霧乍開  
卷幔山花欲謝似殘妝星河好夜聞清珮雲雨歸  
時帶異香何事神仙九天上人間來就楚襄王

柳絮

飄颻南陌起東隣漠漠濛濛好度春花巷暖隨輕  
舞蝶玉樓晴拂艷妝人縈迴謝女題詩筆點綴陶  
公漉酒巾何處好風偏似雪隋河隄上古江津

送曹處士歸越中舊隱詩

行盡瀟湘萬里餘少逢知己憶吾廬數間茅屋閒  
臨水一盞秋燈夜讀書地遠何當隨計吏策成終

自詣公車刻中若問連州事惟有千山畫不如  
自江陵沿流道中吟  
三千三百西江水自古如今要路津月夜歌謠有  
漁父風天氣色屬商人沙村好處多逢寺山葉紅  
時覺勝春行到南朝征戰地古來名將盡爲神  
魚腹江中  
扁舟盡室貧相逐白髮藏冠鑷更加遠水自澄終  
月綠晴林長落過春花客情浩蕩逢鄉語詩意留  
連重物華風檣好住貪程去斜日青帘背酒家

酬竇員外使君寒食日途次松滋渡先寄示

四韻

楚鄉寒食橘花時野渡臨風駐綵旗草色連雲人  
去住水紋如縠燕差池朱輪尚憶羣飛雉青綬初  
懸左顧龜非是湓城白司馬水曹何事與新詩  
樂天少傅五月長齋廣延緇徒謝絕文友坐  
成睽間因以戲之

五月長齋戒深居絕送迎不離通德里便是法王  
城舉目皆僧事全家少俗情精修無上道結念未



來生賓閣緇衣占書堂信鼓鳴戲童爲塔像啼鳥  
學經聲暗網籠歌扇流塵暗酒鎗不知何次道作  
佛幾時成

和楊侍郎初至郴州記事書情題郡齋八韻  
旌節下朝臺分圭從北回城頭鶴立處驛樹鳳棲  
來舊路芳塵在新恩驛騎催里閭風偃草鼓舞忭  
成雷吏散山禽轉庭香夏藥開郡齋堪四望壁記  
有三台人訝徵黃晚文非弔屈哀一吟梁甫曲知  
是臥龍才

平齊行二首

胡塵昔起薊北門河南地屬平盧軍貂裘代馬繞  
東嶽嶧陽孤桐削爲角地形十二口意驕恩澤含  
容歷四朝魯人皆科帶弓箭齊人不復聞簫韶今  
朝天子聖神武手握玄符平九土初哀狂童襲故  
事文告不來方震怒去秋詔下誅藪平官軍四合  
猶嬰城春來羣鳥噪且驚氣如壞山墮其庭牙門  
大將有劉生夜半射落攬槍星帳中口血流滿地  
門外三軍撫連臂驛騎函首過黃河城中無賊天

氣和朝廷侍郎來慰撫耕夫滿野行人歌  
泰山沈寇六十年旅祭不享生愁烟今逢聖君欲  
封禪神使陰兵來助戰妖氛掃盡河水清日觀杲  
杲慶雲見開元皇帝東封時百神受職爭奔馳千  
鈞猛篋順流下洪波涵淡浮熊羆侍臣燕公秉文  
筆玉簡告天無愧詞當今睿孫承聖祖岳神望幸  
河宗舞青門大道屬車塵共待歲穰翠華舉

有感

死且不自覺其餘安可論昨宵鳳池客今日雀羅  
門騎吏塵未息銘旌風已翻平生紅粉愛惟解哭  
黃昏

元日感懷

振蟄春潛至湘南人未歸身加一日長心覺去年  
非燎火委虛燼兒童銜彩衣異鄉無舊識車馬到  
門稀

南中書來

君書問風俗此地接炎州淫祀多青鬼居人少白  
頭旅情偏在夜鄉思豈唯秋每羨朝宗水門前盡

日流

尋汪道士不遇

仙子東南秀冷然善馭風笙歌五雲裏天地一壺  
中受籙金華洞焚香玉帝宮我來君閉戶應是向  
崆峒

謝柳子厚寄疊石硯

常時同硯石寄此感離羣清越敲寒玉參差疊碧  
雲煙嵐餘斐疊水墨兩氛氳好與陶貞白松窗寫  
紫文

謝宣州崔相公賜馬

浮雲金絡膝昨日別朱輪銜草如懷戀嘶風尚意  
頻曾將比君子不是換佳人從此西歸路應容躡  
後塵

姑蘇臺

故國芳臺在前臨震澤波綺羅隨世盡麋鹿古時  
多築用金鋌力摧因石鼠窠昔年雕輦路唯有採  
樵歌

送周魯儒赴舉詩

中唐詩 劉禹錫

宋日榮陽內史孫因家占得九疑村童心便有愛  
書癖手指今餘把筆痕日握地球辭白屋欲憑雞  
卜謁金門若逢廣知問羊酪從此知名在一言

贈同年陳長史員外石

明州長史外臺郎憶昔同年翰墨場一自分襟多  
歲月相逢滿眼是淒涼推賢有愧韓安國論舊唯  
存盛孝章所歎謬遊東閣下看君無計出栖惶

別夔州官吏

三年楚國巴城守一去揚州揚子津青帳聯延喧  
驛步白頭俯偃到江濱巫山暮色常含雨峽水秋  
來不恐人惟有九歌詞數首里中留與賽蠻神

八月十五夜桃源翫月

塵中見月心亦閒况是清秋仙府間凝光悠悠寒  
露墜此時云在最高山碧虛無雲風不起山上長  
松山下水羣動儵然一顧中天高地平千萬里少  
君引我昇玉壇禮空遙請真仙官雲駢欲下星斗  
動天樂一聲肌骨寒金霞昕昕漸東上輪欹影促  
猶頻望絕景良時難再并他年此日應惆悵

晚步揚子游南塘望沙尾

淮海多夏雨晚來天始晴蕭條長風至千里孤雲  
生卑濕久喧濁寒開偶虛清客遊廣陵郡晚出臨  
江城郊外綠陰滿江中沙嶼明歸帆翳盡日去棹  
聞遺聲鄉國殊渺漫羈心目懸旌悠然京華意悵  
望懷遠程薄暮大山上翩翩雙鳥征

見維揚志

海陽十詠

并引

元次山始作海陽湖後之人或立亭榭率無指  
名及余而大備每疏鑿構置必揣稱以標之入  
咸曰有旨異日遷官裴侍御為十詠以示余頗  
明麗而不虛美因拮拾裴詩所未道者從而和  
之

吏隱亭

結構得奇勢朱門交碧潯外來始一望寫盡平生  
心日軒漾波影月砌鏤松隱幾度欲歸去回眸情  
更深

切雲亭

迥破林烟出俯窺石潭空波搖杏梁日松韻碧窓

風隔水生別島帶橋如斷虹九疑南面事盡入寸  
眸中

雲英潭

芳幄覆雲屏石奩開碧鏡支流日飛灑深處自疑  
瑩潛去不見跡清音常滿聽有時病朝醒來此心  
神醒

玄覽亭

瀟灑青林際夤緣碧潭隈淙流冒石下輕波逐砌  
回香風逼人度幽花覆水開故令無四壁晴夜月

光來

裴溪

時御史已遇新恩

楚客憶關中疏溪想汾水縈紆非一曲意態如千  
里倒影羅文動微波笑顏起君今賜環歸何人承  
玉趾

飛練瀑

晶晶擲巖端潔光如可把瓊枝曲不折雲片晴猶  
下石堅激清響葉動承餘灑前時明月中見是銀  
河瀉

蒙池

滌渟幽壁下深靜如無力風起不成文月來同一  
色地靈草木瘦人遠烟霞通往往疑列仙圍碁在  
巖側

芬絲瀑

飛流透嵌隙噴灑如絲芬合暈迎初旭翻光破夕  
暝餘波遶石去碎響隔溪聞却望瓊沙際逶迤見  
脉分

雙溪

流水遶雙島碧溪相並深浮花擁曲處遠影落中  
心閒鷺久獨立曝龜驚復沉蘋風有時起滿谷簫  
韶音

月窟

濺濺漱幽石注入團圓處有如常滿杯承彼清夜  
露巖曲月斜照林寒春晚煦遊人不敢觸恐有蛟  
龍護

和鄆州令狐相公春晚對花

朱門退公後高興對花枝望闕無窮思看書欲盡

時含芳朝競發凝艷晚相宜人意殷勤惜狂風豈  
得知

秋晚病中樂天以詩見問力疾奉酬

耳虛多聽遠展轉晨雞鳴一室背燈跡中夜掃葉  
聲蘭芳經雨敗鶴病得秋輕肯踏衡門草惟應是  
友生

重寄表臣絕句

淮西旣是平安地鷓鴣路今無羽檄飛聞道唐州最  
清靜戰場耕盡野花稀

競渡歌

五月五日天晴明楊花繞江啼曉鶯使君未出郡  
齋外江上早聞齊和聲使君出時皆有準馬前已  
被紅旗引兩岸羅衣破鼻香銀釵照日如霜亦鼓  
聲上下紅旗開兩龍躍出浮水來棹影幹波飛萬  
鈿鼓聲劈浪鳴千雷鼓聲漸急標將近兩龍望標  
目如瞬波上人呼霹靂驚竿頭綵挂虹霓暈前船  
搶水已得標後船失勢空揮橈瘡眉血首爭不定  
輪岸一朋心似燒只將輪贏兩岸賞兩岸十舟五



來往須臾戲罷各東西競脫文身請書上吾今細  
觀競渡兒何殊當路權相持不思得所各休去會  
到摧舟折檝時

望夫山

何代提戈去不還獨留形影白雲間肌膚銷盡雪  
霜色羅綺點成苔蘚斑江燕不能傳遠信野花空  
解妬愁顏近來豈少征人婦笑採薜蘿上北山

後山詩話載夢得望夫石句云望來已是幾千  
歲只似當年初望時語意極工江南有望夫石  
每過其下不風卽雨顧况詩云山頭日日風和  
雨行人歸來不應語黃叔度甚稱賞之

終

